

IMAQARNILIAQ Kommunalbestyrelsi Tamanna pivoq. 28-04-2020

Ulloq ataatsimiiffissaq Tirsdag Tamanna pivoq. 28. april 2020 kl. 19:30

Ataatsimiiffissaq Kommunalbestyrelsip ataatsimiittarfia

Indholdsfortegnelse

Saqqaa.....	3
Oqaluuserisassat akuerineqarneri.....	4
Nalunaarutit.....	5
Ilisimatitsissutit.....	6
Siunnersuut, kommunimut pilersaarummut tapiliussaq 1A5-2 Tuapannguit, Nuuk.....	7
Innarluutillit pillugit siunnersuisooqatigiit sulinerat pillugu ilisimatitsissut.....	10
Innarluutillit pillugit siunnersuisooqatigiit sulinerat pillugu ilisimatitsissut.....	13
Utoqqaat pillugit Siunnersuisooqatigiit sulinerat pillugu ataavartumik ilisimatitsissuteqarneq.....	16
COVID-19 pillugu ilisimatitsissut.....	19
Aalajangiiffigisassat.....	24
Kommunimut pilersaarummut tapiliussaq 1C16-2, Kisserneqqortuunnguaq, Nuuk inaarutaasumik a	25
2020-mi Suliata allaaserineqarneri.....	28
Ilaasortatut tunuavinnissamik qinnuteqaat.....	31
Sulinngiffeqarnerup kingorna Kommunalbestyrelsimi sulileqqinnissamik qinnuteqaat.....	33
Ukiumut naatsorsuutit 2018 – Naatsorsuutit inaarneqarneri kukkunersuiusut oqaaseqaataannik imall	35
Ukiumoortumik naatsorsuutit 2019 – kukkunersuiusunut nassiussineq.....	39
2021-mut missingersuusiornissamut maleruagassat.....	43
Taasariaqartut allat.....	46
Lukket.....	47
Lukket.....	47
Lukket.....	47
Lukket.....	47
Imaqarniliap akuerineqarnera.....	47

Ilaasortat

Charlotte Ludvigsen (IA)

Charlotte Pike (IA)

Uju Petersen (IA)

Harald Bianco (IA)

Inge Olsvig-Brandt (IA)

Rasmine Geisler (IA)

Knud Mathiasen (IA)

Henrik Rachlev (IA)

Lone Rosengreen Pedersen (IA)

Michael Rosing (Sam)

Nadia Olsen (D)

Justus Hansen (D)

Mala Høy Kúko (S)

Peter Davidsen (S)

Thiiooq Knudsen (S)

Ane Egede Mathæussen (S)

Jens Kristian Berthelsen (S)

Rolf Pike (S)

Lund Kuko (S)

2a. Siulittaasumit nalunaarutit

2b. Ataatsimiititanik ataavartunit nalunaarutit

Kommunimut pilersaarummut tapiliussaq 1A5-2

Tuapannguit, Nuuk pillugu siunnersuut

Kommunimut pilersaarummut tapiliussamut siunnersuut

Ilisimatitsissut

J.nr.: ANL-2019-00021

Sanarfinermut Avatangiisinullu ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Sanarfinermut Avatangiisinullu Ingerlatsivimmit kommunimut pilersaarummut tapiliussatut siunnersuut 1A5-2 Tuapannguit, Nuuk, siunnersuut matumuuna saqqummiunneqarpoq.

Kommunalbestyrelsip novembari 2019-imi immikkoortup ilaanut §32-mi inerteqqut atorunnaarsippaa (*Inatsisartut inatsissaat nr. 17, 17. november 2010-meersoq naleqqiullugu*). Tassa imaappoq, nunaminertat illuliornermillu suliarinninneq ukioq ataatsip missaani unitsinneqassasoq kommunimut pilersaarummut tapiliussap nutaap suliarineqarnerata nalaani.

Kommunimut pilersaarummut tapiliussami aalajangersarneqarpoq immikkoortup ilaa 1A5 inissiaqarfiussasoq ilaqutariit ataatsit illuinik illullu affarleriikkaanik sanaartorfiusoq. Maannakkorpiaq kommunimut pilersaarummut tapiliussamut tunngatillugu piffimmi pisiniarfimmik kioskimilluunniit ingerlatsitsisoqaqqusaanngilaq.

Immikkoortup ilaani, illuliortaatsip illullu angissusianik, pisoqqamit nutaamut ikaarsaariarnertaanik ersersitsisumik atatitsisuussaaq. Sanaqqinneqarnerani nutaamilluunniit sanaartornermi illut aappaa affaanik quleriussapput. Nunami sananeqarnissaa ajornanngippat naqqup ataani inimik atorneqarsinnaasumik sanasoqarnissaa akuersissutigineqarsinnaavoq.

Sanaartorfissaq ataaseq inissiamut pisortanit pigineqartumut sanaartorfiusussanngortinneqarpoq. Sanaartukkat pioreersut eqqaanni sanaartorfissat sanaffissanngortinneqassapput, pioreersunik alliliinissamut imaluunniit isateriarlugu sanaartornissamut periarfissiisumik. Nunaminertaq sanaartorfissaq ataaseq 150 m² angissuseqarpoq taannalu 1½ -mik quleriussaaq.

Suliaq Sanarfinermut Avatangiisinullu Ataatsimiititap apriliip 15-ianni 2020-mi ataatsimiinnerani oqaluuserineqarpoq, ataatsimiititalu inassuteqaat akuersissutigaa suliarlu sapaatip-akunnerini arfinilinni tusarniaassutigineqarnissaa siunertarlugu inaarutaasumik akuersissutigisassanngorlugu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap apriliip ulluisa 21-anni 2020-mi ataatsimiinnerani oqaluuserineqarpoq, sapaatip-akunnerinilu arfinilinni tusarniaasoqartussanngorlugu inassuteqaat ataatsimiititamit akuerineqarluni, suliarlu ilisimatitsissutitut Kommunalbestyrelsimut ingerlateqqinneqarpoq.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Sanafinermut Avatangiisinullu Ingerlatsivimmit kommunimut pilersaarummut tapiliussatut siunnersuut 1A5-2 Tuapannguit, Nuuk, matumuuna saqqummiunneqarpoq.

Kommunalbestyrelsip novembari 2019-imi immikkoortup ilaanut §32-mi inerteqqut atorunnaarsippaa (*Inatsisartut inatsisissaat nr. 17, 17. november 2010-meersoq naleqqiullugu*). Tassa imaappoq, nunaminertat illuliornermillu suliarinninneq ukioq ataatsip missaani unitsinneqassasoq kommunimut pilersaarummut tapiliussap nutaap suliarineqarnerata nalaani. Inerteqquteqarnermi qulakkeerniarneqarpoq piffissap akunnerani pilersaarummut nutaami siunertanut akerliusunik pissutsinik pilersitsisoqannginnissaa.

Kommunimut pilersaarummut tapiliussatut siunnersuummi uani pineqarpoq immikkoortup ilaa 1A5 illoqarfiup ilaani ilaqutariinnut ataasiakkaanut aamma illut affarleriit ataasiakkaat inissisimaffigisaat. Aammalu inissiaqarfiusuni taamaallaat akuersissuteqarluni inuussutissarsiuteqartoqarsinnaavoq. Maannakkorpiaq kommunimut pilersaarummut tapiliussamut tunngatillugu piffimmi pisiniarfimmik kioskimilluunniit ingerlatsitsisoqaaqusaanngilaq.

Tuapannguit sanaartornermi Nuutoqqamit isikkivimmik aalajangiisuusarpoq. Taamaattumik immikkoortup ilisarnaataata pigiinnarnissaa piffimmi pingaaruteqarpoq. Kommunimut pilersaarummut tapiliussaq una illuliortaatsip illullu angissusii eqqarsaatigalugit, pisoqqamit nutaamut ikaarsaariarnerata attatiinnarneqarnissaanik ersersinneqarnissaanik qulakkeerisuussaaq. Taamaalilluni pilersaarutitut siunnersuut illoqarfiup oqaluttuarisaaneranut atatitsisuussaaq.

Immikkoortumi sanaartorfissiamik ataatsimik nutaamik atugassiisoqassaaq. Taanna taamaallaat pisortat inissiaataannik sanaartornissamut atorneqarsinnaavoq annerpaamik toqqaviata annertussusaa 150 m² –iussalluni 1½ quleriussallunilu. Kommunimut pilersaarummut tapiliussassatut siunnersuummi siunertarineqarpoq 1A5-2-mi illut suut, qanorlu ittut sananeqarsinnaanerannut aalajangersakkanik qulakkeerinissaaq. Immikkoortup ilaani siunissami nutaamik imaluunniit sanaqqiinissami, quleriit 1½ toqqavialu 150 m². Nunap ilusaata ajornartinngippagu, najugarineqarsinnaasumik kiilereqarnissaanut akuersissummik tunniussisoqarsinnaavoq.

Aaqqiissutissatut siunnersuut – suliagitut naliliineq

Immikkoortup ilaa 1A5 najugaqarfiuinnartussatut ingerlatsivimmit nalilerneqarpoq (A) ilaqutariinnut ataatsinut aammalu affarleriinnik illoqarfiuinnassasut. Illoqarfiup ilaani tamaani illut sanaqqaarneqartut amerlanerit piiarneqarsimagaluartut pingaartuuvoq ataasiakkaanik pukkitsunillu illoqarfiunerata attatiinnarnissaa. Tamannalu oqaluttuarisaanermi Nuup qitiusumik illoqarfiata isikkuanut ilapittuutaavoq. Peqatigitillugu pilersaarutitut siunnersuut ullutsinnut naleqquttumik inissialiornissamut periarfissiivoq.

Pilersaarutitut siunnersuummi sumiiffiup atorneqarnissaanut killiliussat aalajangiusimaneqassapput, Tuapannguimmi tassaagami illoqarfiup pisoqartaanut Nuutoqqamut tunuliaqutaasoq ilisarnarluartuq. Taamaattumik immikkoortup ilaani sanaartoriaaseq illullu angissusai eqqarsaatigalugit illoqarfiup qeqqani pisoqqamit nutaanut ikaarsaariarnerup ingerlateqqinneqarneranik ersersitsisuussaaq.

Aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq aningaasaqarnikkut kinguneqassanngilaq.

Inatsisitigut tunngavissaq allakkallu tunngaviusumik uppersaatitallit

Kommunimut pilersaarummut tapiliussatut siunnersuutit tuliiuttut uku tunngavigalugit suliarineqarpoq:

- Pilersaarusiorneq aamma nunaminertat atorneqartarnerat pillugit Inatsisartut inatsisissaat nr. 17, 17. november 2010-meersoq aamma
- Inatsisartut inatsisissaat nr. 34, 9. decembari 2015-imeersoq
- Kommunimut pilersaarut digitaliusoq www.sermersooq2028.gl

Ingerlariaqqinnissaq

Siunnersuut tamanut tusarniaassutigineqassaaq sap. ak. 6-ini.

Matumani Kommunimut pilersaarutissatut siunnersuutip 1A5-2-p akuersissutigineqarneratigut Illoqarfiup ilaanut pilersaarut 1.27 atorunnaarsinneqassaaq.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Siunnersuut tamanut tusarniaassutigineqassaaq sap. ak. 6-ini. Tusarniaaneq Nuuk Ugeavisikkut kiisalu kommunip tusarniaassutitut nittartagaatigut nalunaarutigineqassapput.

Ingerlatsivinnit allaniit oqaaseqaatigineqartut

Soqanngilaq

Siusinnerusukkat aalajangerit:

Sanarfinermut Avatangiisinullu Ataatsimiititap apriliip 15-iani 2020-mi aalajangerera:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititap aalajangerera ulloq 21. aprili 2020:

Inassuteqaat akuersissutigineqarpoq.

Ilanngussat

1. Kommunip pilersaarutaanut tapiliussamut siunnersuut 1A5-2, Tuapannguit, Nuuk.

Inuit innarluutillit pillugit Siunnersuisoqatigiit ataatsimiinnerisa ataavartumik ilisimatitsissutigineqartarneri

Ulloq 19. septembari 2019-imi ataatsimiinnermit

Ilisimatitsissut

J.nr.: EMN-2020-00128

Suliffeqarnermut Isumaginninnermullu Ingerlatsivik – Pisortaq Isak Nielsen Kleist / ISNK

Suliassamik eqikkaaneq

Kommuneqarfik Sermersuumi Inuit innarluutillit pillugit Siunnersuisoqatigiit ataatsimiinnermit kingullermi imaqarniliaq 19. septembari 2019-imeersoq akueraat. Ataatsimiinnermi Inuit innarluutillit pillugit Siunnersuisoqatigiit siulittaasoq taarserniarlugu aalajangerpaat. Viggo Johansen siulittaasutut tunuarpoq, Sara Jilsø Fleischer siulittaasunngorpoq. Inuit innarluutillit pillugit Siunnersuisoqatigiit ilaatigut Nuummi atuarfiliornissaq oqaluuseraat. Eqqartuinnermi Siorarsiorfik suliaq ingerlanneqarnissaanut pilersaarummullu paasissutissat allakkatigut nassuiaateqarpoq. Tassani aamma innuttaasunut ataatsimiititsinernut qanoq innuttaasut amerlanerit peqataanissamut kaammattorneqarsinnaanersut eqqartorneqarpoq.

Inuit Innarluutillit pillugit Siunnersuisoqatigiit ingerlatsivinnut suleqataapput pitsaalluinnartumik, ajornartorsiutaasinnaasunullu assigiinngitsunut aaqqiissutaasinnaasunik naleqquttunik ujartuinnermikkut ukkassisarput.

Suliaq Suliffeqarnermut Isumaginninnermullu

Ataatsimiititami suliarineqarpoq, ulloq 04. februaarip 2020

ataatsimiititap innersuussut akuersissutigaa suliarlu Aningaasaqarnermut

Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap februaari ulluisa 20-anni ataatsimiinnerani oqaluuserineqarpoq, ataatsimiititamillu akuerineqarluni, suliarlu ilisimatitsissutitut Kommunalbestyrelsimut ingerlateqqinneqarpoq.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Kommuneqarfik Sermersuumi Inuit innarluutillit pillugit Siunnersuisoqatigiit kingullermik ilisimatitsissuteqarnerup kingorna septembarip 19-anni 2019-imi ataatsimiinnerminnit imaqarniliaq akuersissutigaa.

Immikkoortut pingaarnerit tassaapput:

- Inuit innarluutillit pillugit Siunnersuisoqatigiit nutaamik siulittaasortaarpoq.
 - o Viggo Johansen inuttut atukkat pissutigalugit siulittaasutut tunuarpoq. Inuit innarluutillit pillugit Siunnersuisoqatigiit tamarmiusut Sara Jilsø Fleischerip siulittaasunngornissaa akueraat. Viggo Johansen Inuit innarluutillit pillugit Siunnersuisoqatigiinni siulittaasup tulliatut ingerlaqqippoq.

- Sanaartornermut ingerlatseqatigiiffiup Siorarsiorfiup Nuummi atuarfiliornissamut pilersaarutai.
 - o Suliap ingerlanneqarnissaa pilersaarummullu paasissutissat pillugit Siorarsiorfik allakkatigut nassuiaateqarpoq.
 - o Inuit innarluutillit pillugit Siunnersuisoqatigiit suliap ingerlanneqarnerani siusissukkut inuit innarluutillit eqqarsaatigineqarnissaat pingaaruteqartoq erseqqissaatigaat, sanaartorneq aallartereeraangat allannngortikkuminaassinnaasarmat.
- Innuttaasunut ataatsimiititsinernut qanoq innuttaasut amerlanerit peqataanissamut kaammattorneqarsinnaanersut eqqartorneqarpoq.
 - o Kommune innuttaasunut ataatsimiititsigaangami innuttaasunik amerlanernik peqataasoqarnissaanut qanoq iliortoqarsinnaanersaq Inuit Innarluutillit pillugit Siunnersuisoqatigiit siunnersuuteqarput. Ilaatigut innuttaasunut erseqqissaatigineqassasoo kommunip innuttaasut isumaat pingaartikkaat Inuit innarluutillit pillugit Siunnersuisoqatigiit naqissuserpaat.

Inuit innarluutillit pillugit Siunnersuisoqatigiit makku ilaatigut aamma oqaluuseraat:

- Inuit innarluutillit pillugit inatsit nutaap atuutilersussap - Inuit innarluutillit tapersersorneqarnissaannut Inatsisartut inatsisaat nr. 13, 12. juni 2019-imeersaq - Inuit innarluutillit pillugit Siunnersuisoqatigiit katitigaanerannut, ileqqoreqqusanut suliassaannullu sunniutaa.
 - o Kommunip aamma Inuit innarluutillit pillugit Siunnersuisoqatigiit inatsit Inuit innarluutillit pillugit Siunnersuisoqatigiinnut qanoq kinguneqartitsissanersaq pillugu paasissutissat utaqqivaat.
- Suliamik suliarinnittarneq aamma inuit innarluutillit pillugit inatsit atuutilersussaq pillugu ilinniartitsisussat angalaqatigiit pillugit killiffik.
 - o Ingerlatsivinnit Namminersorlutik Oqartussat utaqqineqarput.
 - o Inuit innarluutillit pillugit Siunnersuisoqatigiit erseqqissaatigaat, inunnut innarluutilinnut tunngasunut inatsit atuutilersussaq inatsisinut allarpassuarnut attuumassuteqartoq, tamannalu sullissisut aamma paasisaqarfigissavaat.
- Meeqqanut immikkoortortaqqarfimmi ikorfartortinut tunngasut allaffissornikkut ajornartorsiutigineqarput.
 - o Tassani atorfiit marluk ullup ilaa sulisussatut atorfeqqarfiusut pineqarput. Ingerlalluannginnera ajuusaarnarpoq. Aaqqiissuteqartoqangajalerunarpoq.

Aaqqiissutissatut siunnersuut – suliatigut naliliineq

Inuit innarluutillit pillugit Siunnersuisoqatigiit suliaat assigiinngitsorparujussuupput. Taamaasilluni Inuit innarluutillit pillugit Siunnersuisoqatigiinnit suliniutit, isumassarsiat kissaatigineqartullu pillugit ataavartumik paasissutissiisarnerit politikikkut aalajangiinernut arlalinnut iluaqutissartaqarluartutut tapertaliunneqarsinnaapput.

Aningaasatigut sulisoqarnikkullu naliliinerit
Soqanngilaq.

Inatsisitigut tunngavissaq allakkallu tunngaviusumik uppersaasatitallit
Kommuneqarfik Sermersuumi Inuit innarluutillit pillugit Siunnersuisoqatigiinni ileqqoreqqusat

Ingerlariaqqinnissaq

Ingerlatsivik siunissami Inuit innarluutillit pillugit Siunnersuisoqatigiit suliaat pillugit ataavartumik ataatsimiititamut ilisimatitsissuteqartassaaq. Tamatuma saniatigut Inuit innarluutillit pillugit Siunnersuisoqatigiit ataatsimiinnerannit imaqaarniliaq kommunip nittartagaani atuarneqarsinnaavoq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqanngilaq.

Innuttaasunik peqataatitsineq/Attaveqaqatigiinneq

Soqanngilaq.

Ingerlatsivinnit allaniit oqaaseqaatigineqartut

Soqanngilaq.

Siusinnerusukkut aalajangernerit:

Suliffeqarnermut Isumaginninnermullu Ataatsimiititap aalajangernera 04. februaari 2020-meersoq:
Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititap aalajangernera ulloq 20. februaari 2020:

Inassuteqaat akuersissutigineqarpoq.

Ilanngussaq

1. Inuit innarluutillit pillugit Siunnersuisoqatigiit septembarip 19.-anni 2019-imi ataatsimiinnerannit imaqarniliaq.

Inuit innarluutillit pillugit Siunnersuisoqatigiit sulinerat pillugu ilisimatitsissut

Ataatsimiinnermit ulloq 28. novembari 2019

Ilisimatitsissut

J.nr.: EMN-2020-01021

Suliffeqarnermut Isumaginninnermullu Ingerlatsivik – Pisortaq Isak Nielsen Kleist / ISNK

Suliassamik eqikkaaneq

Ataatsimiinnermi 28. novembari 2019-imi imaqarniliaq Kommuneqarfik Sermersuumi Inuit innarluutillit pillugit Siunnersuisoqatigiinnit akuersissutigineqarpoq. Ataatsimiinnermi sulinikkut isertitassaraluanik annaasanik pissarsisinnaanermut periarfissat aamma suliamut attuumassuteqartumik pikkorissarnernut aningaasartuutit matussusersornissaannut periarfissat eqqartorneqarnissaat siunnersuisoqatigiinnit kissaatigineqarpoq. Inuit innarluutillit illersuisoqarnerat ukkatarineqarportaaq. Qanoq illersuisussarsiortoqarsinnaanersoq aamma aaqqiissutip qanoq aaqqiissuunnissaa pillugit ingerlatsivik siunnersortikkusuppoq.

Inuit Innarluutillit pillugit Siunnersuisoqatigiit ingerlatsivinnut suleqataapput pitsaalluinnartumik, ajornartorsiutaasinnaasunullu assigiinngitsunut aaqqiissutaasinnaasunik naleqquttunik ujartuinnermikkut ukkassisarput.

Suliaq Suliffeqarnermut Isumaginninnermullu Ataatsimiititami suliarineqarpoq, ulloq marsip 17-ianni 2020-mi, ataatsimiititap innersuussut akuersissutigaa suliarlu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap apriliip ulluisa 21-anni ataatsimiinnerani oqaluuserineqarpoq, ataatsimiititamillu akuerineqarluni, suliarlu ilisimatitsissutitut Kommunalbestyrelsimut ingerlateqqinneqarpoq.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Kommuneqarfik Sermersuumi Inuit innarluutillit pillugit Siunnersuisoqatigiit kingullermik ilisimatitsissuteqarnerup kingorna 28. novembari 2019-imi ataatsimiinnerminnit imaqarniliat akuersissutigaat.

Inmikkoortut pingaarnerit tassaapput:

Inunnut innarluutilinnut illersuisoqartarnissaanik aaqqiineq

- Illersuisussarsiornissamut ingerlatsivik siunnersorneqarusuppoq. Aamma illersuisoqarnermut aaqqiissut qanoq aaqqiissuunneqarsinnaanersoq eqqartorneqarpoq.

Inuit innarluutillit pillugit Siunnersuisoqatigiit suliaat imaannaanngitsuupput. Taamaattumik Inuit innarluutillit pillugit Siunnersuisoqatigiinnit periarfissat eqqartorneqarusuttut tassaapput:

- sulinermi annaasanik pissarsiat matussuserneqarnissaat
- suliamut attuumassuteqartunik pikkorissarnerni (assigisaanilu) aningaasartuutit matussuserneqarnissaat.

Inuit innarluutillit pillugit Siunnersuisooqatigiit makku ilaatigut aamma oqaluuseraat:

Inuit innarluutillit pillugit inatsit tunngavigalugu assigiimmik kiffartuussineq qulakkiissallugu

- Missiliuisarnek sullissinermi suliaq ilagaa annertoq (pissutigalugu nappaatinik suussusersinissamut piumasaqaat inatsimmi atuussimasumit peerneqarmat).
- Suliat missiliunneqartut Oqartussaasoqarfiit Assigiinngitsunik Suliallit Suleqatigiiffiannut ajornartorsiutinik iluarsiinissamut Suliffeqarnermut Isumaginninnermullu Ingerlatsivik nalileeqqusisarpoq.

Nassuiaasiornissamut suliat

- Inuit innarluutillit inatsisaat naapertorlugu tapersersorneqalernissamut nakorsat nassuiaasiornissaat piumasaqaataajunnaarnikuuvoq. Taamaattoq innuttaasup eqqortumik tapersersorneqalernissaa qulakkeerniarlugu nakorsanik oqaloqateqartarneq kommunimit anguniarneqartuassaaq.

Suliaqarfiit akornanni ilisimasanik avitseqatigiittarneq

- Innuttaasoq pillugu paasissutissanik ingerlatsiviit attuumassuteqartut akornanni avitseqatigiissutigineqartarnissaat periarfissaasoq pingaarutalik Inuit innarluutillit pillugit Siunnersuisooqatigiinnit erseqqissaatigineqarpoq.

Siusissukkut iliuuseqarneq

- Inuit innarluutillit pillugit Siunnersuisooqatigiit ernumassutaat arlaqartut inunnik nukissaqarluartunut tunngasumik aallaaveqarput. Taamaattumik inuit innarluutillit sanngiitsutut inissisimasut kommunimit ukkatarineqarnissaat oqaluuserissallugu pingaaruteqartuuvoq.

Ingerlatsiviit Inuit innarluutillit pillugit siunnersuisooqatigiinnut innersuussutaat

- Inuit innarluutillit pillugit Siunnersuisooqatigiit pitsaaqutigivaat Kommunalbestyrelsimut innersuussuteqarsinnaallutillu isumassarsianik saqqummiisinnaammata.

Aaqqiissutissatut siunnersuut – suliatigut naliliineq

Inuit innarluutillit pillugit Siunnersuisooqatigiit suliaat assigiinngitsorparujussuupput. Taamaasilluni Inuit innarluutillit pillugit Siunnersuisooqatigiinnit suliniutit, isumassarsiat kissaatigineqartullu pillugit ataavartumik paasissutissiisarnit politikikkut aalajangiinernut arlalinnut iluaqutissartaqarluartut tapertaliunneqarsinnaapput.

Aningaasatigut sulisoqarnikkullu naliliinerit

Soqanngilaq.

Inatsisitigut tunngavissaq allakkallu tunngaviusumik uppernarsaatitallit

- Kommuneqarfik Sermersuumi Inuit innarluutillit pillugit Siunnersuisooqatigiinni ileqqoreqqusat

Ingerlariaqqinnissaq

Ingerlatsivik siunissami Inuit innarluutillit pillugit Siunnersuisooqatigiit suliaat pillugit ataavartumik ataatsimiititamut ilisimatitsissuteqartassaaq. Tamatuma saniatigut Inuit innarluutillit pillugit Siunnersuisooqatigiit ataatsimiinnerannit imaqaarniliaq kommunip nittartagaani atuarneqarsinnaavoq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqanngilaq.

Innuttaasunik peqataatsineq/attaveqaqatigiinneq
Soqanngilaq.

Ingerlatsivinnit allaniit oqaaseqaatigineqartut
Soqanngilaq.

Siusinnerusukkut aalajangernerit:

Suliffeqarnermut Isumaginninnermullu Ataatsimiititap aalajangenera marsip 17-iani 2020-meersoq:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititap aalajangenera ulloq 21. apriliip 2020-meersoq:

Inassuteqaat akuersissutigineqarpoq.

Ilanngussat:

1. Imaqarniliaq – Inuit innarluutillit pillugit Siunnersuisoqatigiinni ataatsimiinnerit tallimassaat ulloq 28. novembari 2019

Utoqqaat pillugit Siunnersuisooqatigiit sulinerat pillugu ataavartumik ilisimatitsissuteqarneq

Ilisimatitsissut

J.nr.: EMN-2020-02434

Suliffeqarnermut Isumaginninnermullu Ingerlatsivik – Pisortaq Isak Nielsen Kleist / ISNK

Suliassamik eqikkaaneq

Kommuneqarfik Sermersuumi Utoqqaat pillugit Siunnersuisooqatigiit sisamassaanik tallimassaanillu ataatsimiipput 28. aggusti aamma 27. novembari 2019. Ataatsimiinnermi aalajangersimasumik sisamanik oqaluuserisassaqaartaput:

- Ilisimatitseqatigiinneq
- Ataatsimiinnermit kingullermit malitseqartitsineq
- Utoqqarnik susassaqaarfimmi naatsorsoqqissaakkat
- Utoqqaat noorarnerat

Taakku saniatigut Suliffeqarnermut Isumaginninnermullu Ataatsimiititamik pilersaarutaasumik ukiumoortumik ataatsimiinnissamut pilersaarusiorneq pillugu oqaluuserisassaqaarpoq.

Suliaq Suliffeqarnermut Isumaginninnermullu Ataatsimiititami suliarineqarpoq, ulloq marsip 17-ianni 2020-mi, ataatsimiititap innersuussut akuersissutigaa suliarlu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ilisimatitsissutitut ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap apriliip ulluisa 21-anni ataatsimiinnerani oqaluuserineqarpoq, ataatsimiititamillu akuerineqarluni, suliarlu ilisimatitsissutitut Kommunalbestyrelsimut ingerlateqqinneqarpoq.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- ilisimatitsissut tusaatissatut tiguneqassasoq

Suliassamik saqqummiussineq

Kommuneqarfik Sermersuumi Utoqqaat pillugit Siunnersuisooqatigiit sisamassaanik tallimassaanillu ataatsimiipput 28. aggusti aamma 27. novembari 2019. Ataatsimiinnermi aalajangersimasumik sisamanik oqaluuserisassaqaartaput:

- Ilisimatitseqatigiinneq
- Ataatsimiinnermit kingullermit malitseqartitsineq
- Utoqqarnut tunngasuni susassaqaarfimmi naatsorsoqqissaakkat
- Utoqqaat noorarnerat

Kingullermik ataatsimiinnermit malitseqartitsineri immikkoortut killiffissiorneqarneri:

- Utoqqalinersialinnut pensionisiat pillugit
- Aningaasat nammineq atorsinnaasat najoqqutassaannik iluarsiineq
- Utoqqarnut paasissutissanik suliarinninneq
- Utoqqaat pillugit Siunnersuisooqatigiit tamanut ataatsimiititsinerat ulloq 4. septembari 2019.
- Utoqqaat pillugit Siunnersuisooqatigiit Suliffeqarnermut Isumaginninnermullu Ataatsimiititamik ulloq 17. septembari 2019-imi ataatsimeeqateqarnerat
- Utoqqaat peqatigiiffianni ilaasortat ornittagaat Blok 10-miittoq.
- Utoqqaat ornittagassaat pilersinnissaanut Utoqqaat pillugit Siunnersuisooqatigiit Suliffeqarnermut Isumaginninnermullu Ataatsimiititamut innersuussinerat.

- Utoqqaat Danmarkimut nuuttartut amerlanerujussuat ilisimatuutut misissuiffigineqarnissaat Utoqqaat pillugit Siunnersuisooqatigiivinit kissaatigineqarpoq.
- Utoqqaat pillugit Siunnersuisooqatigiit "Utoqqaat inuiaqatigiinnut aningaasartuutaannaasumik" oqaatigineqartarnerat pillugu ersarissaasoqarnissaanik kissaateqarput.
- Utoqqaat/peqatigiiffiit nunanut allanut angalanissaminnut tapiiffigineqarsinnaanersut Utoqqaat pillugit Siunnersuisooqatigiinnit misissoqquneqarpoq.
- Qinigaaffik 2017-2021-imi illoqarfiit tamarmik tikillugit utoqqarnik ataatsimeeqateqarnissaq Utoqqaat pillugit Siunnersuisooqatigiit kissaatigaat.

Ukiarmi ulloq 19 septembari 2019 Suliffeqarnermut Isumaginninnermullu Ataatsimiititaq suleqatigalugu inuit apeqqutissaaleqinngitsut 120-t aqqissuussinermi peqataaffigisaannut katersortarfimmi tamanut ammasumik ataatsimiititsineq Utoqqaat pillugit Siunnersuisooqatigiit suliaasa pingaarnersaraat.

Aaqqiissutissatut siunnersuut – suliaticut naliliineq

Utoqqaat pillugit Siunnersuisooqatigiit siunnersuisooqatigiinni sulinerminni pimoorussilluinnarlutik sulipput, ataavartumillu Suliffeqarnermut Isumaginninnermullu Ingerlatsivimmut oqaloqatigiinnert ingerlapput. Utoqqaat pillugit Siunnersuisooqatigiit ataavartumik pilersaarutiminnik, isummersuutininik kissaatiminnillu saqqummiisarnert utoqqaat pillugit atugarisaannut politikkikkut pitsaasumik aalajangiinarnermillu iluaqutaasinnaapput.

Aningaasatigut sulisoqarnikkullu naliliinerit
Soqanngilaq.

Inatsisitigut tunngavissaq allakkallu tunngaviusumik uppersaatitalit

- Kommuneqarfik Sermersuumi Utoqqaat pillugit Siunnersuisooqatigiit ileqqoreqqusaat.
- Utoqqaat pillugit Siunnersuisooqatigiivisa suleriaasissaat.

Ingerlariaqqinnissaq

Ingerlatsiviup Utoqqaat pillugit Siunnersuisooqatigiit sulinerat pillugu Ataatsimiititamut ataavartumik ilisimatitsissutigisassavaat. Taassuma saniatigut Utoqqaat pillugit Siunnersuisooqatigiivisa ataatsimiinneranni imaqarniliat kommunip nittartagaani takuneqarsinnaapput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqanngilaq.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinnit allaniit oqaaseqaatigineqartut

Soqanngilaq.

Siusinnerusukkut aalajangernerit:

Suliffeqarnermut Isumaginninnermullu Ataatsimiititap aalajangernera marsip 17-iani 2020-meersoq:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititap aalajangernera ulloq 21. apriliip 2020:

Inassuteqaat akuersissutigineqarpoq.

Ilanngussat

1. Utoqqaat pillugit Siunnersuisooqatigiit 28. aggusti 2019-imi ataatsimiinneranit imaqarniliaq.
2. Utoqqaat pillugit Siunnersuisooqatigiit 27. novembari 2019-imi ataatsimiinneranit imaqarniliaq.

COVID-19 pillugu ilisimatitsissut

Ilisimatitsissut

J.nr.: 00.00.00-A00-8-20

Suliffeqarfimmut Kiffartuussivik – Kommunaldirektøri Lars Møller Sørensen / LMS

Suliassamik eqikkaaneq

Coronamik nalaataqarnerup kingunerisaanik kommune assigiinngitsunik arlalinnik suliniutinik aallartitsivoq. Nunarsuarmi sumiiffinni arlalinni soorlu takusimasatsitut inuiaqatigiit ilungersunartorsiorput, suliniutillu taakku tamarmik tamakkununga illersuutaassapput. Coronamik nalaataqarnermut Kommuneqarfik Sermersuup illersuiniarluni suliniutaasa ilaat, tamakkiisuunngikkaluartumik, matumani ilisimatitsissummi nassuiaatigineqassapput.

Suliaq Aningaasaqarnermut Inuussutissarsiornermullu Ataatsimiititap apriliip ulluisa 21-anni ataatsimiinnerani oqaluuserineqarpoq, ataatsimiititamillu akuerineqarluni, suliarlu ilisimatitsissutitut Kommunalbestyrelsimut ingerlateqqinneqarpoq.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Ilisimatitsissut tusaatissatut tiguneqassasoq

Suliassamik saqqummiussineq

Covid-19 pillugu immikkuullarilluinnartumik inissisimaneq pillugu Kommuneqarfik Sermersooq assigiinngitsunik suliniuteqarpoq.

Taamatut inissisimatilluni kommunip aaqqissuussaannerata inuiaqatigiinnut tunngaviusumik kiffartuussinermik ingerlatsiinnarnissaa pingaaruteqarlunnarpoq. COVID-19-ip tuniluunnera killilersimaarniarlugu sapaatip-akunnerisa kingulliit suliniutaasimasut innuttaasorpasuit inuunerannut allannguuteqartitsisimapput. Piffissami taama inissisimatillugu kommune inuiaqatigiinni patajaatsumik inissisimasuusussaavoq. Taamatut inissisimanermi inuiaqatigiit isumannaatsuutinnissaat toqqissisimatinnissaallu pillugit, inuiaqatigiit unittoortinngikkaluarlugit, kommune assigiinngitsunik suliniuteqarpoq.

Aaqqiissutissatut siunnersuut – suliatigut naliliineq

Taakkuinnaanngikkaluarlutik, taakku ilagaat:

Angerlarsimaffeqanngitsunut tupeqarfik:

Nappaatip siaruaannissaa pinaveersaartinniarlugu Nuummilu angerlarsimaffeqanngitsut naleqquttumik pineqarnissaat pillugu kommune 80-inik inoqarsinnaasunik tupeqarfiliiorpoq. Toqqit taamaattut aatsitassasiortunit misissuinermi inuttat ineqarfiattut atorineqartarput.

Unammillernartumut naleqquttumik sukkasuumillu aaqqiinissaq kommunimi pisortaqaatigiinnit assut pingaartinneqarsimavoq.

Qimarnguui:

Nuup matuneqarnera illoqarfimmi qimarnguimmut ilungersuatitsilerneranik kinguneqarpoq, taamaattoqarneralu allani aamma taamaaratarsinnaavoq. Nuummi qimarnguik illumik ataatsimik Namminersorlutik Oqartussanit atukkiunneqartumik ilaneqarpoq. Innuttaasup qimarnguimmukartup inissisimanera mianerisassaavoq, pingaaruteqarlunnarporlu kommune innuttaasunut taamatut inissisimasunut suliamik kivitissinnaanissaa.

Atuarfiit meeqqeriviillu:

Piffissaq kingulleq nuna tamakkerlugu atuarfiit matoqqapput, Nuummilu meeqqeriviit aamma matoqqapput. Ajornartoortoqartillugu upalungaarsimanermut allannguinnissamut suliaq imaannaasimanngilaq, sulisullu arlallit allanngueqataasariaqarsimallutik. Ataatsimulli isigalugu ajornartoortoqartillugu upalungaarsimanermut allanngueq iluatsilluartutut nalilerneqarpoq, unammillernarsinnaasullu isumagineqarsinnaasimallutik. Aallartinneraniilli kommunimi pisortaqatigiit pingaartilluinnarsimavaat ajornartoortoqartillugu upalungaarsimanermi kikkulluunniit meeqqamik agguissut itigartinneqanngilluinnarnissaat. Sulisut ataasiakkaat angajoqqaanut oqartussatut inissinnissaannut illersorniarlugit taamaaliortoqarpoq, pingaarnerpaavorli tamanit meeraq kinaluunniit sumiinnissaminik nalornissuteqannginnissaa kikkullu inersimasut paarissaneraat nalornissutigissanngilaa. Tamanna aamma pissutigalugu ulluinnarni atuarfimmi nerisaqartitsisarneq atuutiinnarneqarpoq, tassa atuartut atuaraluarpataluunniit atuannikkaluarpataluunniit nerisassanik aallersinnaasussaapput. Nassuerutigisariaqarparput meeqqanut arlalinnut atuarfimmi nerisassat pingaarnerpaasartut. Coronamik nalaataqarneq ajornerusumik inissisimalersitsissanngilaq.

Aalakoornartoq:

Nunatsinni kommunit allat peqatigalugit Kommuneqarfik Sermersooq Naalakkersuisunut apeqquteqarpoq imigassap tunisaanera unitsikkallarneqarnissaa eqqarsaatigineqarsinnaanersoq. Tamatumanita nalaataqarnerup nalaani meeqqat isumagineqarnissaat pingaarnertut tunngavigineqarpoq. Tamanna pillugu Kommuneqarfik Sermersooq kommunitut, aalakoornartumik pisisinnaatitaanermiit, meeqqat ajornartorsiutinik nalaataqartut isumaginissaat salliunniarlugit aalajangerpoq. Inerteqqut atuukkallartinneqarpoq.

Akiligassanik siusinnerusukku akiliisarneq:

Illoqarfimmi inuussutissarsiortut piffissami matumani ilungersunartorsiorput, aamma kialuunniit taamatut nalaataqarneq siumut takorloorsimasinnaanngilaa. Soorunami ullunut ajornernut aningaasanik ileqqaarissarnissaq pitsaanerpaajuaannarpoq, kisiannili kialuunniit taama nalaataqarnissaq taamalu aningaasaqarnikkut ingerlanerliulernissaq takorloorsimavaa. Taamaattumik kommunip suliffeqarfinnut minnernut soorlu sanasunut, illoqarfimmi entreprenørinut, illoqarfimmi pisiortortarfinnut assigisaannullu akiliinissaq siuartissimavaa. Imaanngilaq taamaaliorneq kikkunnik tamanik aniguititsissasoq, illoqarfimmili suliffeqarfinnut amerlanngitsunut iluaqutaasinnaappat imminut akilersinnaassasoq pisortaqatigiinnit nalilerneqarpoq. Nalaataqarnerup kingorna piffissamut aggersumut piareersarnissamut tunngassuteqarpoq, sapinngisamillu kommunip innuttaasuinut inuussutissarsiortuinillu pitsaanerpaamik kinguneqarnissaa pingaaruteqarpoq.

Ikorsiissutit pillugit sullinneqarnissamut ikiuineq:

Nalaataqarnerup kingorna pisariaqanngitsumik ilungersortoqannginnissaa pillugu Naalakkersuisut ikorsiissutai pingaaruteqarluinnarput. Ikorsiissutit illugit qinnuteqaatinik sullissinernut taakkununga aalajangersimasunut tunngatillugu kommune Greenland Businessimut sulisunik marlunnik atugassiissuteqarpoq. Ikorsiissutit taakku eqqortunut tunniunneqarnissaannut illoqarfimmik ilisimaarinnittut pingaaruteqarput.

Inuussutissarsiuteqartunut webinar (internetikkut isumasioqatigiinneq):

Allassimareersutut illoqarfimmi inuussutissarsiortuutigit aningaasaqarnitta attatiinnarnissaanut pingaaruteqarluinnarput. Nalaataqarnitsinni kommunip inuussutissarsiornermut immikkoortortaqarfiata tassunga tunngatillugu kiffartuussinini qasusuilluni ingerlatiinnarpaa. Ilaatigut sapaatip-akunneri tamaasa inuussutissarsiortut ilaannut assigiinngitsunik internetikkut isumasioqatigiissitsisoqartarpoq.

Utoqqaat illuat:

Piffissami matumani inuit sanngiinnerpaat ilagaat innuttaaqatigut utoqqaat. Taakkunungaqqissaq COVID-19 toqumik kinguneqarsinnaalluarpoq. Taamaattumillu taakkununga pineqartunut suliniutissat aallartinnessaat pingaarluinnarsimavoq. Suliniutit ilaat taaneqarsinnaasut tassaavoq pulaartoqarnissamut annertuumik killilersuineq. Utoqqarnut qanigisaminnut maqaasisunut pakatsisitsinnginnissaq nikallunganissarlu pinaveersaartinniarlugu utoqqarnut internetikkut "pulaarneq" periarfissiisutigineqarpoq.

Aputaajaaneq:

Upalungaarsimanermi pingaaruteqartut, puigorneqartartulli, ilagaat aputaajaasarneq. Aputaajaasoqarsinnaanngikkuni nakorsat, peqqissaasut, politiit qatserisartullu suliaartorsinnaanngillat. Taamaattumik nalaataqarnermi aputaajaasarnerup qulakkeernissaa pingaaruteqarsimavoq. Ilaatigut inuttat marlunggortinneratigut tamanna pisimavoq, taamaalilluni tunillatsittoqassagaluarpasut inuttat akornanni tamarmik imminnut attaveqarsinnaannginniassammata. Taamaalilluni tunillatsittoqarsimatillugu affaannaat angerlartinneqarnissaat qulakkeerneqarpoq.

Ajornartoortoqartillugu upalungaarsimaneq pillugu:

Immikkoortuni taaneqartuni arlalinni immikkut ittumik suliniuterpasuit saniatigut kommunip maanna ajornartoortoqartillugu upalungaarsimaneq ingerlappaa. Tassa imaappoq, suna tamaat eqqarsaatigalugu kommune allatut sulivoq, sulinikinnerunngilarli. Nappaatip siaruaannera annikillisinniarlugu allatut sulisoqarpoq, sapinngisamilli atuuffinni arlalippassuarni naammassiortuineq ingerlatiinnarniarneqarpoq. Assersuutitut taaneqarsinnaasut ilagaat suli meeqqanut tunngasunik nalunaarutiginninnerit sularineqartarput, sulilu nunaminertanik atugassiisoqartarluni. Piffissami matumani sapinngisamik inuit ikinnerpaat inuttut aningaasaqarnikkullu ajornartorsiuteqalernissaat pillugu tamakku tamarmik sularineqartarput.

Corona.gl attaveqaqatigiinnermullu suliniutit allat:

Taamatut nalaataqarnermi attaveqaqatigiinneq pingaaruteqarluinnarpoq, unammillernarsinnaallunili. Inuiaqatigiit ullualunnguit ingerlaneranni uummaarissumik uninngisaannartumillu inuuneqarnermiit inuunermut matoqqasumut mattusimasumullu allanngortinneqaraangata paatsuuinernik eqqunngitsunillu paasissutissiisarnernik kinguneqartuaannarpoq. Kommunip attaveqaqatigiinnermut immikkoortortaqaqfiata sapinngisamik pitsaanerpaamik innuttaasunut paasititsiniaanissaq assut sulissutigisimavaa. Assersuutitut suliniutit ilaat taaneqarsinnaasut ilagaat nittartagaq corona.gl, borgmesterip ataavartumik videokkut saqqummersitsisarnera, tusagassiuutini pitsaasumik paasissutissiisarneq, erinarsuut "eqitaqqikutsooqqikkumaarpugut", inuit attaveqaqatigiittarfiini kulturimut tunngasut saqqummiussat, kommunit allat peqatigalugit ataqatigiissakkamik tusagassiuutitut nalunaaruteqartarnerit. Pisumi ilungersunartumi kommune inuttaasunut kiffartuussisutut uppernarluinnartumik ingerlatsinissaa pingaaruteqarluinnarpoq. Tamanna pillugu paasissutissat ilumuussusaat paasiniarnerannut paasinaqqittarnerannullumi piffissangaatsiaq atorineqartarpoq, taamaalilluni kommunip paasissutissiivii paasissutissanik eqqunngitsunik tunioraanissaa pinaveersaartinneqartarpoq.

Suliffinnik allattorsimaffik:

Nappaalasoqalissagaluarpasut kommune piareersimaniassammat suliniuterpasuit aallartinneqarput. Taakkunani suliniutit ilagaat kommunimi suliffinnik allattorsimaffik. Tassani suliffinnik allattorsimaffimmi sulisut piareersimasut piginnaasaallu tamarmik allattorsimapput. Inuppassuit atorfeqarnerminni suliffeqarfippasuit aqqusaartarpaat. Taamaalilluni ullumikkut politeeq ataaseq Sulisoqarnermi Immikkoortortami siunnersortaavoq, peqqissaasoq ataaseq ineriartortitsinermut tunngasunik suliaqartuuvuq assersuutigaluguluunniit kontorfuldmægtigi ataaseq biilnut angisuunut allagartaqarpoq. Paasissutissat taakku tamarmik katersorneqareerput iluaqutigineqarluarsinnaallutillu. Nappaalasoqalissagaluarpasut piffissamilu aalajangersimasumi sulisorpassuit napparsimalissagaluarpasut inuit atorfinnut pingaarutilinnut nuunneqarsinnaassapput,

taamaalilluni utoqqartagut paarineqarnerat ingerlatiinnarneqassaaq, sulì aputaajaasoqartassaaq, sulì akissarsiaqartoqartassaaq kiisalu meerartagut sulì paarineqartassapput.

Namminersorlutik Oqartussallu ataqatigiissaarineq:

Taamatut nalaataqarnermi oqaloqatigiittarfiit pingaarutillit pingasut pilersinneqarput, taakkunani Kalaallit Nunaanni periusissianik pilersitsisoqartassaaq Naalakkersuisullu siulittaasuanut innersuussutigineqartarlutik. Taakkuupput Tunillaassortunik Nappaalanersuaqarneranut Ataatsimiititaliarsuaq, Corona pillugu Periusissiortut (Den strategiske coronastab) aamma Corona pillugu Allatseqarfik Oqaloqatigiittarfinni taakkunani Kommuneqarfik Sermersooq kommuninut sinnerinut sinniisutut ilaapput, tassanilu aqutsisutut atorfilittat sinniisuupput. Coronamik nalaataqarnermi Nunarput qaangiilluartinniarlugu periusissiornermi kommunit tungaanniit sunnuteqaqataasinnaaneq isummanillu tunioraasinnaaneq pinngitsoortinneqarsinnaanngilaq. Oqaloqatiginnittarfinni taakkunani kommune oqaluuserisassanik pingaaruteqartunik saqqummiussivoq, soorlu meeqqat atugarissaarnissaannut isumaginninneq, aalisakkanik nioqqutissiornermi najoqqutassat, innuttaasunik attaveqaqateqartarneq allarpassuillu. Pisariaqartitsinermilu tamanna kommunimi pisortaqatigiit ingerlatiinnassavaat.

Kommunit allallu ataqatigiissaarineq:

Amerlasuutigut nalaataqarnermi naligiit qanillinerusarput. Kalaallit Nunaannilu kommuninut tallimanut tunngatillugu tamanna eqqorluinnartutut taaneqarsinnaavoq. Arlalitsigut kommunit assigiimmik, piffissaq eqqorlugu aalajangersimallutillu iliuuseqartarsimapput. Tamatumani annertuumik ataqatigiissaareqatigiinneq isumaqatigiilluarnertu peqqutaalluinnartuupput. Ullut tamaasa nal. 9.00 kommunaldirektørit taakku tallimat ataatsimeeqatigiittarput aamma nal. 11.45 kommunit taakku tallimat borgmesterii kommunaldirektøriilu ataatsimiittarput. Periusissanik, isumasioqatigiinnernik ataqatigiissaarinernillu taamatut salliussineq pitsaasunik angusaqarfiupput, pingaartumillu tamanna eqqissisimanerulersitsillunilu isumannaatsutut misigisimatitsivoq.

Aningaasatigut sulisoqarnikkullu naliliinerit

Suliniutit taakkartorneqartut arlallit soorunami kommunimut aningaasatigut kinguneqartitsipput. Taamatut nalaataqarnermut akiligassaq annikinngilaq, maannalu aningaasatigut annertuumik kinguneqalereerluni. Missingersuutit atuinerlu qanimut pisortaqatigiinnit malinnaaffigineqarput, taamatullu ineriartorerup ilutigalugu aningaasaqarnikkullu missiliutit iluarsaanneqartuurtarput. Tamatuma saniatigut kommunimi aningaasat tigorianaanaat amerlisarniarlugit sipaarutaasinnaasunik immikkoortut tamarmik misissuiffigineqarput. Tassunga ilanngullugu kvartalimut siullermut missingersuutit malitseqartinneqarneranut atatillugu sipaaruteqarnissamik siunnersuutit saqqummiunneqarneratigut.

Inatsisitigut tunngavissaq allakkallu tunngaviusumik uppersaatitallit

Soqanngilaq

Ingerlariaqqinnissaq

Soqanngilaq

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Sapinngisamik amerlanerpaanut nittartakkatigut, tusagassiuutinut nalunaaruteqarnikkut inuit attaveqaqatigiittarfiatigullu ataavartumik paasititsiniaasoqartarpoq.

Ingerlatsivinnit allaniit oqaaseqaatigineqartut

Soqanngilaq

Siusinnerusukkut aalajangernerit:

Aningaasaqarnermut Inuussutissarsiornermullu Ataatsimiititap aalajangernera ulloq 21. apriliip 2020:

Inassuteqaat akuersissutigineqarpoq.

Ilanngussat

Soqanngilaq

Kommunimut pilersaarummut tapiliusseq 1C16-2, Kissarneqqortuunnguaq, Nuuk inaarutaasumik akuersissutigineqarnera

Aalajangiiffigisassaq

J.nr: 16.03.01.01-P16-2-19

Sanarfinermut Avatangiisinullu ingerlatsivik – Pisortaq Hans Henrik Winther Johannsen / HHWJ

Suliassamik eqikkaaneq

Kommunimut pilersaarummut tapiliussami immikkuualuttoq qitiusoqarfimmut siunertanut atugassiissutigineqarpoq, tassani ataatsimut atuuffinnut, inissianut suliffeqarfinnut il.il. pilersitsinissaq periarfissiissutigineqarpoq. Pilersaarummi matumani sumiiffiup nalinginnaasumik atuuffissaa attatiinnarneqassaaq, taamaattorli immikkoortup ilaa 1C36 atuukkunnaassalluni aamma nunaminertaq immikkoortup ilaanut 1C16-imut ilanngunneqassaaq, tassanilu ataatsimut pilersaarusiornermut ilaalissalluni.

Immikkuualuttuni marlunni nutaanik sanaartornissamut periarfissiisoqassaaq, allallu pilersaarutaasimasunit immikkoortumut nuunneqassapput. Taamaaliornikkut Nuup qiterisaani naleqquttumik ineriartortitsinissaq immikkuualuttumit qulakkeerneqassaaq.

Suliaq Sanarfinermut Avatangiisinullu Ataatsimiititap apriliip 15-iani 2020-mi ataatsimiinnerani oqaluuserineqarpoq, ataatsimiitallu inassuteqaat akuersissutigaa suliarlu inaarutaasumik akuersissutigisassanngorlugu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap apriliip ulluisa 21-anni 2020-mi ataatsimiinnerani oqaluuserineqarpoq, inassuteqaat ataatsimiititamit akuerineqarluni, suliarlu ilisimatitsissutitut Kommunalbestyrelsimut ingerlateqqinneqarpoq.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- Kommunimut pilersaarummut tapiliusseq 1C16-2, Kissarneqqortuunnguaq, Nuuk inaarutaasumik akuerineqassasoq

Suliassamik saqqummiussineq

Kommunimut pilersaarummut tapiliussami immikkuualuttoq qitiusoqarfimmut siunertanut atugassiissutigineqarpoq, tassani ataatsimut atuuffinnut, inissianut suliffeqarfinnut il.il. pilersitsinissaq periarfissiissutigineqarpoq. Siunnersuummi matumani sumiiffiup nalinginnaasumik atuuffissaa attatiinnarneqassaaq, taamaattorli immikkoortup ilaa 1C36 atuukkunnaassalluni aamma nunaminertaq immikkoortup ilaanut 1C16-imut ilanngunneqassaaq, tassanilu ataatsimut pilersaarusiornermut ilaalissalluni.

Siunnersuummi immikkoortoq immikkuualuttunut tallimanut agguarneqarpoq, tassani immikkoortunut C & E-mut sukumiisumik aalajangersakkat nutaat nassuiaasorsorneqarput. Immikkuualuttut A, B & D-nut tunngatillugu aalajangersakkat pioreersut atuuttut nuunneqarput, taamaaliornikkut immikkoortumut pilersaarummut ataatsimut ataatsimoortinneqarput.

Immikkuualuttoq C: Pilersaarummut tapiliussami B-1198-ip toqqaviani nutarterinissamut periarfissanitsivoq (KNR-itoqq), taamaalilluni sanaartorfissanut atugassiisummi quleriit 5-it tikillugit nutaanik sanaartorfissamik pilersitsisoqarsinnaavoq.

Immikkuualuttoq E: Pilersaarummi ilaqutariinnut ataasiakkaanut illut pioreersut akornanni nutaanik sanaartorfissamik atugassiisoqarpoq, taamaalilluni alliliinissamut imaluunniit isaterinissamik nutaamillu sanaartornissamut periarfissaqalerluni. Taamaattorli, nuna apeqqutaatillugu, illup ataatsimut toqqavia 150 m²-it, quleriit 1 ½-it, naqqup-ilualu atorlugu, qaangersimassanngilaa. Immikkuualuttumi H.J. Rinksvej sinerlugu inuussutissarsiutinut illut akornanni sanaartorfissat nuunneqarput, tamannalu kommunimut pilersaarummut tapiliussami 1C12-4-mi akuerineqarput. Taamatuttaaq sanaartorfissani taakkunani quleriit 3-t tikillugit, illut pioreersut 3-t akornanni, alliliinissamut imaluunniit isaterinissamut nutaamillu sanaartornissamut periarfissiisoqarluni.

Pilersaarummut siunnersuummi aamma Børnehjemsvejip Kissarneqqortuunnguullu akornanni aqqusernit atorunnaarsinneqarnissaat siunniunneqarpoq. Taamaaliornikkut aqqustit, pingaartumik pisuinnarnut sikkilinillu ingerlasunut immikkoortumiittunut timersortarfiliartartunut toqqissisimanarnerulissasoq nalilerneqarpoq. Saniatigut Børnehjemsveji sinerlugu najugaqartunut pitsaanerulissalluni, maannakkummi aqqusinermut ungasissusissamut piumasaqaatit naammassineqarsinnaanngimmata.

Aaqqiissutissatut siunnersuut – suliatigut naliliineq

Kommunimut pilersaarummut tapiliussami Nuup illoqarfiata qeqqani eqiterinissamut periarfissiivoq, saniatigullu illoqarfimmi sanaartukkat atorineqanngitsut nutaaliorfigineqarsinnaassallutik kiisalu illut pioreersut allilerneqarsinnaassapput piffissamut naleqquttunngortillugit.

Immikkoortumut periusissatut akuerineqarsimasunut pilersaarut naapertuuttoq ingerlatsivimmit nalilerneqarpoq, immikkoortumi sukisaarsaarfissanut assigiinngitsunut, ilaatigut ivigaaraasalimmik arsaattarfimmut, atugassiisoqarsimavoq. Kommunimut pilersaarummut tapiliussami sammisassaqtitsiniutinut aqqusineeqqap pilersinneqarnissaanut periarfissat attatiinnarneqarput, taamalu immikkoortumi timersortarfinnut pisuinnaat il.il. aqquutissaat qulakkeerneqarluni.

Pilersaarummut tapiliussami illoqarfiup eqiterneqarnera nangingneqarpoq, maannakkut tamanna immikkuualuttuni eqqaaniittuni ingerlanneqarpoq, taamaalilluni inissianik nutaanik sanaartornissamut periarfissaqalerpoq.

Aningaasatigut sulisoqarnikkullu naliliinerit

Kommunimut pilersaarummut tapiliussamik suliaqarneq aningaasaqarnikkut kinguneqassanngilaq. Qanittuanilu ineriartortitsinissamut pilersaarutiniq arlalinnik peqalereerpoq, taamaattorli aqquserngit annertuumik ingerlaffigineqarnerminni tunuleriaattoqartarnissaa naatsorsuutigineqarsinnaavoq.

Inatsisitigut tunngavissaq allakkallu tunngaviusumik uppersaatitalit

- Pilersaarusiorneq aamma nunaminertat atorineqartarnerat pillugit Inatsisartut inatsisissaat nr. 17, 17. november 2010-imeersoq aamma
- Inatsisartut inatsisissaat nr. 34, 9. december 2015-imeersoq
- Kommunimut pilersaarut digitalusoq www.sermersooq2028.gl

Ingerlariaqqinnissaq

Pilersaarummut tapiliussaq inaarutaasumik akuerineqareerpat atuuttussatut nalunaarutigineqassaaq aamma kommunimut pilersaarummi tamanut saqqummiunneqassaaq.

Aningaasaqarnermut Allatseqarfimmit oqaaseqaatit

Soqanngilaq

Innuttaasunik peqataatitsineq/attaveqaqatigiinneq

Kommunimut pilersaarummut tapiliussaq sapaatip-akunnerini 8-ni tamanut tusarniaassutigineqareerpoq, tassungalu atatillugu tusarniaanermut akissutini pissarsisoqanngilaq. Tusarniaaneq Nuuk Ugeavisikkut kiisalu kommunip tusarniaassutitut nittartagaatigut nalunaarutigineqarput.

Kommunimut pilersaarut atuuttutut nalunaarutigineqareerpat kommunimut pilersaarummi tamanut saqqummiunneqassaaq.

Ingerlatsivinnit allaniit oqaaseqaatigineqartut

Soqanngilaq

Siusinnerusukkut aalajangernerit:

Sanarfinermut Avatangiisinullu Ataatsimiititap apriliip 15-iani 2020-mi aalajangernera:
Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititap aalajangernera ulloq 21. apriliip 2020:

Inassuteqaat akuersissutigineqarpoq.

Ilanngussaq

1. Kommunimut pilersaarummut tapiliussaq 1C16-2 Kissarneqqortuunnguaq, Nuuk

2020-mi Suliat allaaserineqarneri

Aalajangiiffigisassaq

J.nr.: EMN-2020-01027

Suliffeqarnermut Isumaginninnermullu Ingerlatsivik – Pisortaq Isak Nielsen Kleist / ISNK

Suliassamik eqikkaaneq

Suliat allaaserineqarneri ukiut tamaasa nutarterneqartassapput politikkikkullu akuerineqarlutik. Suliat allaaserineqarnerisa ukiumut ataasiarlugit nutarterneqarnerini neqeroorutaasutut allaaserisat neqeroorutitut eqquunnersut aamma politikkikkut anguniakkanut naapertuuttuunersut qulakkeerneqartartussaapput.

Uani ilanngussat anginerit ilaatigut tassaapput, innarluutilinnik suliassaqaqfimmi aningaasaliissutit innarluutillit pillugit inatsit nutaaq naapertorlugu naleqqussagaanerat. Suliffeqarnermi tunngasuni immikkoortoq ataaseq ilanngunneqarpoq tassaasoq pikkorissaaneq ilitsersuinerlu, kommunillu neqeroorutai inissiat immikkoortukkuutaat Oqartussaaffeqarfiup ataani allaaserineqarput.

Suliaq Suliffeqarnermut Isumaginninnermullu Ataatsimiititami ulloq marsip 17-ianni 2020-mi oqaluuserineqarpoq, ataatsimiititap inassuteqaat akuersissutigaa, suliarlu Aningaasaqarnermut Inuussutissarsiornermullu Ataatsimiititamut kiisalu Kommunalbestyrelsimut inaarutaasumik akuersissutigisassanngorlugu ingerlateqqillugu.

Suliaq Aningaasaqarnermut Inuussutissarsiornermullu Ataatsimiititap apriliip ulluisa 21-anni 2020-mi ataatsimiinnerani oqaluuserineqarpoq, inassuteqaat ataatsimiititamit akuerineqarluni, suliarlu inaarutaasumik akuersissutigisassanngorlugu Kommunalbestyrelsimut ingerlateqqinneqarpoq.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- 2020-mi Suliat allaaserineqarnerat akuersissutigineqassasut

Suliassamik saqqummiussineq

Suliat allaaserineqarneri tassaapput Suliffeqarnermut Isumaginninnermullu Ingerlatsivimmi innuttaasunut neqeroorutit innersuussutigineqarnerisa ataatsimut takussutissartai. Ingerlatsivimmit innuttaasunut sunik neqerooruteqartoqarnerisat sulisunut innuttaasunullu ersarissunngorlugit pigineqassasut suliat allaaserineqarnerisa siunertarivaat. Assigiissumik kiffartuussinermik ersarissuunermillu qulakkeerinittuussapput.

Aaqqiissutissatut siunnersuut – suliatigut naliliineq

2019-imi suliat allaaserineqarnerinut ilanngussaqaartoqarpoq. Tulliuttuni aaqqiissutit pingaarnerit allaaserineqarput.

Ataatsimut isigalugu

- Suliat allaaserineqarneri ingerlatsivimmi neqeroorutigineqartunut eqquutsinneqarniassammata naleqqussarneqarsimapput.

Innarluutilinnut tarnikkut nappaatilinnullu Immikkoortortaqaqfik

- Sullissinerit pillugit inatsisitigut tunngavissaq nutarterneqarpoq.

- Innersuussutit uunga "annertuumik innarluuteqarneq" allanngortinneqarpoq, annertuumik peerneqarpoq. Annertuumik tassaagami siusinnerusukkut suliaasaqarfimmi inatsimmeersoq.

Utoqqarnut suliaasaqarfik

- Sullissinerit pillugit inatsisitigut tunngavissaq nutarterneqarpoq.

Suliffeqarnermut tunngasut

- Uani immikkoortoq pikkorissaaneq ilitersuinerlu pillugit ilanngunneqarpoq.

Oqartussaaffeqarfik.

- Inissiat immikkoortukkuutaat pillugit neqeroorut maanna suliat allaaserineqarnerini atuarneqarsinnaavoq.
- Angerlarsimaffeqanngitsunut unnuisarfimmik aamma inissiat immikkoortukkuutaat pillugit ingerlatsineq maanna namminersortumut (Tarraq A/S) isumagisassanngortinneqarput.

Suliat allaaserineqarnerat politikkikkut sakkuuvoq kiffartuussinermik ersarissunngortitsisoq qulakkeerisuusorlu. Kiffartuussinerup politikkikkut akuerisaasup innuttaasut ilimagisaannut naleqqussarneqarnera napertuuppoq

Suliat allaaserineqarneri assigiissarneqaraluartut illoqarfinni sumiiffinnilu assigiinngitsuni ilinniarsimasunik atorfinitsitsiniarnerup ajornakusoornera peqqutigalugu assigiinngitsuunissaat ingerlatsivimmit qularutigineqanngilaq. Piumasaqaataasut sapinngisamik pitsaanerpaamik naapertuutsinniarlugit suliat allaaserineqarneri pillugit ilinniartitsinissaq immikkut iliuuseqarfigineqassaaq.

Aningaasatigut sulisoqarnikkullu naliliinerit
Soqanngilaq.

Inatsisitigut tunngavissaq allakkallu tunngaviusumik uppernarsaatitallit
Sulissat allaaserineqarneri inatsisinik atuuttunik aallaaveqarput. Kiffartuussinerni ataasiakkaani inatsit atuuttoq tunngavigineqartoq allassimavoq.

Ingerlariaqqinnissaq

Allannguutit akuersissutigineqassappata allaaserineqarnerit iluarsisat malillugit ingerlatsiviup suliffeqarfii sulissapput. Suliat allaaserineqarnerisa kommunip suliffeqarfiinut ingerlateqqinneqarnerisa saniatigut kommunip nittartagaanut ikkunneqassapput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqanngilaq.

Innuttaasunik peqataatitsineq

Soqanngilaq.

Ingerlatsivinnit allaniit oqaaseqaatigineqartut

Soqanngilaq.

Siusinnerusukkut aalajangernerit:

Suliffeqarnermut Isumaginninnermullu Ataatsimiititap aalajangernera marsip 17-ianni 2020-meersoq:

Inassuteqaat akuersissutigineqarpoq.

Aningaasaqarnermut Inuussutissarsiornermullu Ataatsimiititap aalajangernera ulloq 21. apriliip 2020-meersoq:

Inassuteqaat akuersissutigineqarpoq.

Ilanngussat

1. 2020-mi Suli at allaaserineqarneri

Ilaasortatut tunuavinnissamik qinnuteqaat

Kommunalbestyrelsimut ilaasortaq Rasmine Geisler (IA) Kommunalbestyrelsimi ilaasortaajunnaavinnissamik qinnuteqarpoq

Aalajangiiffigisassaq

J. nr: 01.01.00

Suliffeqarfimmut Kiffartuussivik - Vicekommunaldirektøri Marie Fleischer / MAFL

Suliassamik eqikkaaneq

Kommunalbestyrelsimut ilaasortaq Rasmine Geisler (IA) marsip 27-anni mailikkut Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 27, 28. november 2016-imeersumi §54 naapertorlugu Kommunalbestyrelsimut tunuavinniarluni qinnuteqaateqarpoq.

Tunuavinniarluni qinnuteqaateqarnerit Kommunalbestyrelsimut oqaluuserineqartarput. Lone Rosengreen Pedersen (IA) Kommunalbestyrelsimi Storm Ludvigsenimut (IA), maanna piffissaligaanngitsumik sulinngiffeqartumut sinniisuuvoq.

Qinnuteqaat akuersissutigineqassappat, Lone Rosengreen Pedersen Kommunalbestyrelsimi ilaasortavinngussaaq. Peqatigitillugulu Hans Jukku Noahsen Kommunalbestyrelsimi Storm Ludvigsenimut (IA) sinniisunngussaaq.

Taakku saniatigut suleqatigiit (IA, D aamma A) Meeqqanut Atuarfeqarnermullu Ataatsimiititami ilaasortassamik, Meeqqanut Ilaqutariinnullu Ataatsimiititami ilaasortassamik kiisalu Sanarfinermut Avatangiisinullu Ataatsimiititami Harald Bianco-mut sinniisussamik toqqaassapput.

Inassuteqaat

Suliffeqarfimmut Kiffartuussiviup Kommunalbestyrelsimut inassuteqaatigaa:

- Rasmine Geislerip (IA) Kommunalbestyrelsimut ilaasortaajunnaavinnissaminik qinnuteqaataa Kommunalbestyrelsip aalajangiiffigissagaa
- Rasmine Geislerip (IA) ilaasortaajunnaavinnissaminik qinnuteqaataa akuerineqarpat, Lone Rosengreen Pedersenip (IA) Kommunalbestyrelsimut ilaasortavinngornera, aamma Hans Jukku Noahsenip Kommunalbestyrelsimi Storm Ludvigsenimut (IA) sinniisunngornera, Kommunalbestyrelsimut tusaatissatut tigunerqassasoq.
- suleqatigiit (IA, D aamma A) Meeqqanut Atuarfeqarnermullu Ataatsimiititami ilaasortassamik, Meeqqanut Ilaqutariinnullu Ataatsimiititami ilaasortassamik kiisalu Sanarfinermut Avatangiisinullu Ataatsimiititami Harald Bianco-mut sinniisussamik toqqaassasut

Suliassamik saqqummiussineq

Kommunalbestyrelsimi ilaasortaq Rasmine Geisler (IA) marsip 27-anni mailikkut Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 27, 28. november 2016-imeersumi § 54 naapertorlugu Kommunalbestyrelsimut tunuavinniarluni qinnuteqaateqarpoq.

§ 54. Ilaasortaq qinigaaffiup iluani kommunalbestyrelsimut tunuarniarluni qinnuteqarpat, qinnuteqaat taamaattoq malinneqassanersoq kommunalbestyrelsip aalajangissavaa.

Imm. 2. Qinnuteqaat ilaasortap peqqissusaata qanoq issusianik tunngavilersorneqarpat, sulianik assigisaannilluunniit pingaaruteqartunik pissuteqarpat, pineqartup ilaasortaanissaanut ajornarnerulersitsippat, qinnuteqaat nalinginnaasumik akuerineqassaaq.

Aaqqiissutissatut siunnersuut – suliatiqut naliliineq

Lone Rosengreen Pedersen Inuit Ataqatigiit sinniisussanut allattorsimaffianni siullertut allassimavoq. Lone Rosengreen Pedersen (IA) Kommunalbestyrelsimi Storm Ludvigsenimut (IA), maanna piffissaligaanngitsumik sulinngiffeqartumut sinniisuuvoq.

Kommunalbestyrelsip Rasmine Geislerip tunuavinnissamik qinnuteqaataa akuersissutigissappagu, Lone Rosengreen Pedersen Kommunalbestyrelsimut ilaasortavinngussaaq aamma Hans Jukku Noahsen Kommunalbestyrelsimi Storm Ludvigsenimut sinniisunngussalluni.

Rasmine ataatsimiititani ukunani ilaasortaavoq, suleqatigiillu (IA, D aamma A) taakkununga ilaasortassanik toqqaassapput:

- Meeqqanut Atuarfeqarnermullu Ataatsimiititaliami Ilaasortaq
- Meeqqanut Ilaqutariinnullu Ataatsimiititami ilaasortaq
- Sanarfinermut Avatangiisinullu Ataatsimiititami Harald Bianco-mut sinniisoq

Aningaasatigut sulisoqarnikkullu naliliinerit
Soqanngilaq.

Inatsisitigut tunngavissaq allakkallu tunngaviusumik uppersaatitalit

- Kommunalbestyrelsinut, nunaqarfinni aqutsisunut ilagiillu sinniisaannut qinersisarnerit pillugit Inatsisartut inatsisaat nr. 27/28. novembari 2016-meersoq.
- Kommunit aquneqarnerat pillugu Inatsisartut inatsisaat nr 29, 17. november 2017-meersoq

Ingerlariaqqinnissaq

Aalajangiinerit atuuttussanngortinneqassapput.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqanngilaq.

Innuttaasunik peqataatitsineq/attaveqaqatigiinneq

Soqanngilaq.

Ilanngussat

1. Rasmine Geislerip tunuarnissamik qinnuteqaataa, 27. marsi 2020-meersoq

Sulinngiffeqarnerup kingorna Kommunalbestyrelsimi sulileqqinnissamik qinnuteqaat

Laura Taunâjik (S)

Aalajangiiffigisassaq

J.nr.:A000-3658-19

Suliffeqarfimmut Kiffartuussivik - Vicekommunaldirektøri Marie Fleischer / MAFL

Suliassamik eqikkaaneq

Kommunalbestyrelsimut ilaasortaq Laura Taunâjik (S) naartuneq, erninerlu pissutigalugit ulloq 9. septembri 2019 Kommunalbestyrelsimut tunuarallarpoq. Lund Kuko (S) Kommunalbestyrelsimi suminngaanneerfik tunngavigalugu Laura Taunâjiup sulinngiffeqarnerani sinniisunngorpoq.

Laura Taunâjik ulloq 1. maaji 2020-miit sulinngiffeqareerluni Kommunalbestyrelsimi sulileqqinnissamut ulloq 16. aprili 2020 qinnuteqarpoq.

Inassuteqaat

Suliffeqarfimmut Kiffartuussiviup Kommunalbestyrelsimut inassuteqaatigaa:

- Laura Taunâjiup aqutsinermut inatsit § 15 imm. 4 naapertorlugu Kommunalbestyrelsimi sulileqqinnissamut qinnuteqaataa akuersissutigineqassasoq

Suliassamik saqqummiussineq

Pisortaqatigiit Allatseqarfiata ulloq 16. aprili 2020 Laura Taunâjiup (S) Kommunalbestyrelsimi ulloq 1. maaji 2020 atuutilersumik sulileqqinniarluni allakkatigut qinnuteqaataa tiguaa, tassani sulinngiffeqarnera naassammat. Aqutsinermut inatsimmi § 15, imm. 4 innersuussutigineqarpoq: *"Ilaasortap kommunimi pisussaaffini suliareqqissinnaalerpagit sinniisussaq kommunalbestyrelsimi tunuassaaq."*

Laura Taunâjik (S) suminngaanneerfik Tasiilaq sinnerlugu qinigaavoq. Suminngaanneerfik tunngavigalugu sinniisut allattorsimaffiat malillugu Lund Kuko (S) Laura Taunâjimmut sinniisuuvoq, taamaattumillu Laura Taunâjiup sulinngiffeqarnerani suminngaanneerfik tunngavigalugu sinniisunngorpoq. Taamaallilluni Laura Taunâjiup sulileqqinnissaanut Kommunalbestyrelsip akuersissuteqarnerani Lund Kuko Kommunalbestyrelsimut tunuassaaq.

Aaqqiissutissatut siunnersuut – suliaticut naliliineq

Tunuarallannginnermini Laura Taunâjik ataatsimiititat tulliuttut ilaasortaaffigai:

- Sanarfinermut Avatangiisinullu Ataatsimiititami ilaasortaq, Peter Davidsen (S) sinniisoralugu
- Suliffeqarnermut Isumaginninnermullu Ataatsimiititami Rolf Pikémur (S) sinniisooq

Laura Taunâjiup tunuaqqagallarnerani siuliini ataatsimiititani ilaasortaaffiit Lund Kukop ilaasortaaffigai. Kommunalbestyrelsip akuersissuteqarneratigut Laura Taunâjiup ataatsimiititani ilaasortaaffiit taakku tigoqqissavai.

Aningaasatigut sulisoqarnikkullu naliliinerit

Laura Taunâjik aningaasarsiani annaanngikkaluarlugit erninerlut atatillugu sulinngiffeqarnissaminut pisinnaatitaavoq. Peqatigitillugulu Lund Kuko Kommunalbestyrelsimi sinniisutut aningaasarsinissaminut pisinnaatitaavoq. Laura Taunâjiup Kommunalbestyrelsimut ilannguteqqinnerani Lund Kuko aneqqissaaq taamalu aningaasarsinissaminut pisinnaatitaajunnaarluni.

Inatsisitigut tunngavissaq allakkallu tunngaviusumik uppersaattallit

- Kommunit aqunneqarnerat pillugu Inatsisartut inatsisaat nr. 29, 17. november 2017-meersoq
- Naartunermi, erninermi meeravissartaarnermilu sulinngiffeqartarneq ullormusiaqartarnerlu pillugit Inatsisartut inatsisaat nr. 14, 7. december 2009-meersoq

Ingerlariaqqinnissaq

Laura Taunâjiup Kommunalbestyrelsimut ilannguteqqinnera Kommunalbestyrelsimut akuerineqassappat, 1. maaji 2020-mit atuutilersinneqassaaq, tamatumunngalu atatillugu Lund Kuko (S) ulloq 1. maaji 2020-mit Kommunalbestyrelsimut tunuassaaq.

Aningaasaqarnermut Allatseqarfimmit oqaaseqaatit

Aningaasaqarnermut Allatseqarfimmit oqaaseqartitsisoqanngilaq.

Innuttaasunik peqataatitsineq/attaveqaqatigiinneq

Soqanngilaq.

Ilanngussat

1. Laura Taunâjiup sulilernissamut qinnuteqaataa 16. apriili 2020-meersoq.

Ukiumut naatsorsuutit 2018 – Naatsorsuutit inaarneqarneri kukkunersuiusut oqaaseqaataannik imallit

Ukiumoortumik naatsorsuutit 2018

Aalajangiiffigisassaq

J.nr.: 06.06.03.

Suliffeqarfimmut Kiffartuussivik - Vicekommunaldirektøri Marie Fleischer / MAFL

Suliassamik eqikkaaneq

Kommunalbestyrelsen 27.08.2019-imi ataatsimiinnermini 2018-imut ukiumoortumik naatsorsuutit oqaluuserai, kukkunersuiusunullu nassiunneqarnissaat akuersissutigalugu.

Kingornagut inaarutaasumik kukkunersuiuneq naammassineqarpoq, taavalu 02.04.2020 kukkunersuiusut nalunaarutaat kukkunersuiusut oqaaseqaataanik imallit pissarsiarineqarpoq.

Kukkunersuiuneq arlalinnik nuussuinernik kinguneqarpoq ukiumoortumillu nalunaarusiarineqarsimasumut siullermut sanilliullugu nalunaarusiaq una naapertuuttumik iluarsaanneqarpoq.

Ukiumoortumi nalunaarusiami iluarsaanneqartumik kisitsisit pingaarnernit ukuupput:

	2018	2017
	t.kr.	t.kr.
Inernera	60.193	56.031
Pigisat	1.967.348	839.978
Nammineq aningaasaatit (konto aningaasaatinik imalik)	(1.644.413)	(732.605)
() = sinneqartoorneq aamma akiitsut		

Kommunip kukkunersuiusua Deloitte 2018-imut naatsorsuutit kukkunersiorneqarnerat aamma kukkunersuiinnermi angusat pillugit kukkunersuiusimaneq toqqammavigalugu kukkunersuiusut nalunaaruteqarput.

Kukkunersuiusut naatsorsuutigisamik isornartorsiupput, ilaatigut kukkunersuiusut atsiugaanni aamma kukkunersuiusut oqaaseqaataanni.

Suliaq Aningaasaqarnermut Inuussutissarsiornermullu Ataatsimiititap 21.apriliip 2020-imi ataatsimiinnerani oqaluuserineqarpoq, Ataatsimiititalu inassuteqaat akuersissutigaa suliarlu Kommunalbestyrelsimut inaarutaasumik akuerisassanngorlugu ingerlateqqillugu.

Inassuteqaat

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- 2018-imut ukiumoortumik naatsorsuutit inaarutaasumik akuerineqassasut
- kukkunersuiusut nalunaarutaat tusaatissatut tiguneqassasut
- akissutitut nassuiaat tusaatissatut tiguneqassasoq

Suliassamik saqqummiussineq

Kommunalbestyrelse 27.08.2019-imi ataatsimiinnermini 2018-imut ukiumoortumik naatsorsuutit oqaluuserai, kukkunersiuisunullu nassiunneqarnissaat akuersissutigalugu. Naatsorsuutsini 4,9 mio koruuninik sinneqartoortoqartoq takuneqarsinnaavoq.

Kukkunersiuiinnermi arlalinnik iluarsiiisuteqartoqarnissaa paasineqarpoq, ukiumoortumik naatsorsuusiinnermi inaarutaasumi 60,2 mio koruuninik amigartoornissamik takussutissaqarluni.

Iluarseeerinnermi nuusseqqinnerit makkuupput:

Beskrivelse	Aktiver	Gæld	Egenkapital	Resultat
Årsregnskab af 27.08.2019	2.009.707	-299.391	-1.709.532	-4.926
Korrigerede fejl				
Periodiseringsfejl anlægsudgifter	-41.819		41.819	41.819
Afskrivninger af tilgodehavender forældet 31.12.2018	-12.264		12.264	12.264
Aktier i KIT A/S - solgt. Restværdi skal afskrives	-26		26	26
Tilskud 2. rate 2018 Filmworkshop Nuuk		-425	425	425
Takstbetaling december 2018, bogført 2019		-521	521	521
Takstbetaling december 2018, bogført 2019		-5.151	5.151	5.151
Takstbetaling december 2018, bogført 2019		-480	480	480
Takstbetaling december 2018, bogført 2019		-211	211	211
Takstbetaling december 2018, bogført 2019		-832	832	832
Takstbetaling december 2018, bogført 2019		-1.389	1.389	1.389
Takstbetaling december 2018, bogført 2019		-140	140	140
Inventar til plejehjem Paamiut		-317	317	317
Kreditnota bogført 2019 - vedr fakt bogført i 2018		220	-220	-220
Entreprenørudgift fakt dateret november 2018		-1.763	1.763	1.763
Reklassifikationer	11.750	-11.750		
Korrigeret årsregnskab	1.967.348	-322.150	-1.644.414	60.192

Kommunip kukkunersiuisua Deloitte 2018-imut naatsorsuutit kukkunersiorneqarnerat aamma kukkunersiuiinnermi angusat pillugit kukkunersiuisimaneq toqqammavigalugu kukkunersiuisutut nalunaaruteqarput.

Deloitte innuttaasunit suliffeqarfinniillu pisassarisat nalingisa naatsorsornerisa naammattumik kukkunersiorneqarneri uppersarsarsinnaannginnerata kingorna kommunip 2018-imi ukiumoortumik nalunaarusiami sillimaffigineqarnissaat oqaatigaa.

Kukkunersiuisup kommunip aqutsinikkut nalunaarutaanut, aningaasaqarnermi aqutsineranut kiisalu aningaasaliissutinik aqutsineranut isornartorsiuisunik oqaasertaliipput. Kukkunersiuisup oqaaseqaataa 2018-03 aamma itinerusumik oqaasertalernera imm. 3.1.3 kiisalu ilanngussami 5.7.3 takuuk. Allaffeqarfit suliitut ilanngunneqartumik kukkunersiuisut nalunaarusiaanut akissummut nassuiaateqarput.

Kukkunersiuisut nalunaarusiaanittaaq 2019-imi februaarimi ilaannakortumik nalunaarusiap Nangeqqinnerivaa, tassani kukkunersiuisoq aningaasaqarnermut aqutsinermi pissutsit pillugit tunngavilersuimmat.

Tamakkua saniatigut aningaasaqarnermut aqutsinerup pitsaasumik torersumillu qularnaarneqarnissaanut ingerlatsiviup pitsanngorsarnissaanut inerisarneqarnissanullu nangittumik sulisoqarpoq. Naatsorsuutigineqarportaaq 2019-imut naatsorsuutit ataatsimiinnermi kukkunersioortumut nassiunneqarnissaanut akuersissutigineqartussat Kommuneqarfik Sermersuup aningaasaqarnermut aqutsinerata allanngorsimaneranik takussutissiissasut.

Kukkunersiuisoq aamma arlalinnik oqaaseqaatiliorpoq, taakkunungalu allaffeqarfimmiit suliniutit pillugit nassuiaassaaq oqaaseqaatit iliuuseqarfiginiarlugit.

Allaffeqarfiup oqaaseqaatai akissutitut nassuiaammi atuarneqarsinnaapput.

Aaqqiissutissatut siunnersuut – suliaticut naliliineq

Kommunaldirektørip siornaticut ilisimatitsissutigereerneraticut -kukkunersiuisuttaaq aamma februaarimi 2019-imi ilaannakortumik nalunaarusiami maluginiarneqarsimavoq, tassa 2018-imi ukiumut naatsorsuutini Kommuneqarfik Sermersooq arlalinnik ajornartorsiorsimammat. Ajornartorsuutit aningaasaqarnermik aqutsinermi nutaamik ERP-itaarneq, soorlu kommunit allat Namminersorlutik Oqartussanilu piffissami tassani tamanna atuutsinneqalersimasoq.

Kommuneqarfik Sermersooq Nunatsinni kommunini siullersaalluni systemimik nutaamik tassunga atuilerikuuvooq. Nunatsinni kommunini siullersaalluni kommune atuilersitsinermut atatillugu ajornartorsuutini pingaarutilinnik assigiinngitsunik aqusaagaqartarpoq. Ajornartorsuutit tamakkua kommunit sinnerinut Namminersorlutik Oqartussanullu taamak annertutigisumik uteqqinneqarunangillat.

AX-ip atuilersinneqarnissaanut tamakkiisumik kommune isumalluarpoq, suliniutit pilersaarutillu aallartereersut eqqarsaatigissagaanni.

Ukiut siulii assigalugit annerusumik minnerusumilluunniit kukkunersiuisut nalunaarutaanni uparuarneqartarput arlaqarput. Kommuneqarfik Sermersuumut pissutsit taakkua iluarsinissai pingaaruteqarpoq. Tamannali ullormiit ullormut pisinnaanngilaq - pissutsillu iluarsinarnissaanut oqitsorsioarnavianngilagut, tungaanulli ingerlalluarput.

Kommunie 2020-imi qaammatini arfinilinni siullerni ERP systemip atuutsinneqalernera pillugu killiffimmik qulaajaalluni aallartippoq, ingerlatsivinni aningaasaqarnermullu immikkoortortaqqarfimmi ajornartorsuutit paasineqarsimasut pillugit aaqqiissuteqarfiginiarlugit. Tassunga atatillugu atuisut systemimik atuillualerniassammata, ilinniartinneqarnissaat suli qitiutinneqarpoq.

Kommunie ulloq manna tikillugu suliniutinik nutaanik pingaarutilinnik suliassanillu ingerlataqarnini nangeqqippaa, tamakkununga ilanngullugit aqutsinermi paasissutissanik, aningaasaqarnermi aqutsinikkut piginnaasanik pitsanngorsaanerit kiisalu illup iluani nakkutilliissutinik pitsanngorsaanerit, tamakkulu tamarmik kommunip allaffeqarfiata ineriartornerata ilorraap tungaanut isumannaatsumik nikeriarnissamut qularnaarisussaapput.

Suliniutit ilarpassui ukiup siuliani aallartinneqartut suli pingaaruteqarput qitiutinneqarlutillu. Taamaaliornissamut immikkoortut tulluuttut qitiutinneqarnissaat pisariaqarpoq:

- Qaammatit tamaasa assigiissakkamik missingersuutitigut malinnaatitsinerit
- Akiliisinnaassusermik aqutsineq

- Aningaasaliissutiniq missingersuutini akisussaaffeqarnermik isumannaariniq
- Qitiusumi suliaasanut toqqartumillu suliaqkiutigineqartunut arlalinnut suliaasat suuneriniq allaaserisaqarnerq
- Inatsisinik malittarisassanillu malitaqarnerq

Tamakkua saniatigut aningaasaqarnermut aqutsinerup pitsaasumik torersumillu qularnaarneqarnissaanut ingerlatsiviup pitsanngorsarnissaanut inerisarneqarnissaanullu nangittumik sulisoqarpoq.

Naatsorsuutigineqarportaaq 2019-imut naatsorsuutit ataatsimiinnermi kukkunersiorumut nassiunneqarnissaanut akuersissutigineqartussat Kommuneqarfik Sermersuup aningaasaqarnermut aqutsinerata allanngorsimaneranik takussutissiissasut.

Inatsisitigut tunngavissaq allakkallu tunngaviusumik uppersaatitalit

- Kommunit aqunneqarnerat pillugu Inatsisartut inatsisaat nr. 22, 17. november 2017-meersoq
- Kommunit Namminersorlutik Oqartussallu missingersuutaat naatsorsuu-taallu pillugit Inatsisartut Inatsisaat nr. 26, 28. november 2016-meersoq
- Namminersornerullutik Oqartussat kommunini il.il. suliaasaqarfiutaasa kukkunersiorneqartarnerat pillugu Namminersornerullutik Oqartussat nalunaarutaat nr. 14, 23. august 1999-meersoq

Ingerlariaqqinnissaq

Kommunalbestyrelse akuersissuteqareerpat ukiumoortumik naatsorsuutit, kukkunersiuusut nalunaarutaat aammalu akissutitut nassuiaatigineqartoq Namminersorlutik Oqartussani Aningaasaqarnermut Nunamullu namminerumut tunngasunut Naalakkersuisoqarfimmut kukkunersiuusunullu nassiunneqassapput.

Naatsorsuutit inaarutaasut assigalugit kukkunersiuusut nalunaarutaat akissutitullu nassuiaat ilanngullugit kommunip nittartagaanut tamanut saqqummiunneqarumaarput.

Aningaasaqarnermut Allatseqarfimmit oqaaseqaatit

Suliamut allanneqarput.

Siusinnerusukkut aalajangerneq

Aningaasaqarnermut Inuussutissarsiornermullu Ataatsimiititap aalajangernera ulloq 21.aprilip 2020-meersoq:

Inassuteqaat akuerineqarpoq

Ilanngussat

1. Ukiumut naatsorsuutit 2018
2. Uunga tapiliussaq
3. Kukkunersiuusut oqaaseqaataasa akissuteqarfiginerat

Ukiumoortumik naatsorsuutit 2019 – kukkunersiuisunut nassiussineq

Aalajangiiffigisassaq

J.nr.: 06.04.01

Suliffeqarfimmut Kiffartuussivik - Vicekommunaldirektøri Marie Fleischer / MAFL

Suliassamik eqikkaaneq:

Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-imeersoq kiisalu karseqarnerat naatsorsuuseriveqarnerallu naapertorlugit Aningaasaqarnermut Inuussutissarsiornermullu Ataatsimiititaq naatsorsuutiniq Kommunalbestyrelsimut saqqummiussisassaaq, tassanngaanniillu ukiumoortumik naatsorsuutit kukkunersiuisunut ingerlateqqinneqassapput.

Aamma nalunaarummi atuarneqarsinnaavoq, Kommunalbestyrelsip naatsorsuutit suliarisussaagai kingusinnerpaamik naatsorsuutit Aningaasaqarnermut Inuussutissarsiornermullu Ataatsimiititamut saqqummiunnerisa kingorna Kommunalbestyrelsip ataatsimiinnerani nalinginnaasumi siullermi.

Suliffeqarnermut Kiffartuussiviup 2019-imut ukiumoortumik naatsorsuutit Aningaasaqarnermut Inuussutissarsiornermullu Ataatsimiititamut matumuuna nassiuppai, kukkunersiuisunut ingerlatitseqqinneqarnissai siunertaralugu.

Suliaq Aningaasaqarnermut Inuussutissarsiornermullu Ataatsimiititap 21.apriliip 2020-imi ataatsimiinnerani oqaluuserineqarpoq, ataatsimiititalu inassuteqaat akuersissutigaa suliarlu Kommunalbestyrelsimut akuerisassanngorlugu ingerlateqqillugu.

Inassuteqaat:

Aningaasaqarnermut Inuussutissarsiornermullu Ataatsimiititap Kommunalbestyrelsimut inassuteqaatigaa:

- 2019-imut ukiumoortumik naatsorsuutit akuersissutigineqarsimasut kukkunersiuisunut nassiunneqassasut

Suliassamik saqqummiussineq:

Aningaasaqarnermut Allatseqarfik, 2019-imi ukioq naatsorsuusiorfimmi naatsorsuutilerineq tunngavigalugu, 2019-imut naatsorsuutit inissitsitersimavai.

Ukiumoortumik naatsorsuutit saqqummiunneqartut Aningaasaqarnermut Inuussutissarsiornermullu Ataatsimiititamut nassiunneqassapput, taamaalilluni ataatsimiititap Kommunalbestyrelsimut oqaluuserisassatut ingerlateqqinniassammagit kingornalu kukkunersiuisunut ingerlateqqillugit.

2019-imi pinngitsoorani missingersuutitut malitseqartitsinissamut atatillugu kiisalu aalajangersimasunik aningaasaliissutissanik qinnuteqarnermut atatillugu ingerlatsinermut aningaasaliissutit ilassutissaat akuersissutigineqarput katillugit 70,1 mio. koruunit, ingerlatsinermut aallaqqaammut missingersuutaasunut 1,688 mia. koruuniusunut naleqqiullugu.

2019-imi ukiumi angusani 49,3 mio koruuninik sinneqartoortoqartoq takussutissaavoq naatsorsuutini sinneqartoortutissatut missingersuutigineqaaqarsimasut 75,4 mio. koruuniusut. Taamaalilluni atuinerusoqarsimavoq, missingersuutinullu iluarsisanut sanilliukkaanni 26,2 mio. koruuninik isertitakinnerusoqarluni.

Naatsorsuutigisamut sanilliullugu pitsaannginnerusumik inernerusut pingaarnertut immikkoortunut ukununga tunngapput:

- Namminersorlutik Oqartussanit tapiissutitigut naligiissaarinnikkullu isertitakinneruneq
- Suliffeqarfinnit pigisanit ilaannakuusumilluunniit pigisanit isertitakinneruneq aningaasaliissutitigullu pissarsiakinneruneq
- Tunisanit kiffartuussinernilluunniit isertitakinneruneq
- Suliassatigut aningaasartuutit ingerlatsinermilu tapiissutit annertunerusut
- Aningaasartuuteqarnerunerneq, tassunga ilanngullugu taarsigassarsisitsinermi nikingassutit

Taakkulu kommunip tamakkiisumik angusaanut naatsorsuutigisamiit pitsaannginnerusumik inerneqarpoq, **127,1 mio. kr.**

Naatsorsuutigisamiit pitsaaneruserusumik inernerusut pingaarnertut immikkoortunut ukununga tunngapput:

- Suliffeqarfiit akileraarutaatigut isertitaqarneruleriartorneq, taamaattorli iluanaarutisianit akileraarutit annikilleriarlutik
- Atuisut akiliutaat isertitallu allat amerlanerusut
- Inatsisitigut aaqqiissutit nuunneqarnerinut ilanngaati ilanngaatigereerlugit aningaasartuutit ikinnerusut
- Sulisunut aningaasartuutikinneruneq
- Sanaartornermut pilersaarutit kinguartinneqartut
- Piffissami aalajangersimasumik nalikilliliinerit

Taakkulu kommunip tamakkiisumik angusaanut naatsorsuutigisamiit pitsaaneruserusumik inerneqarpoq, **-100,9 mio. kr.**

Oqaatigiumasat allat:

2019-imut naatsorsuutini 2018-imut naatsorsuutituulli ERP systemitaarnermi kontunullu pilersaarummut nutaamut ikaarsaarnermut sunniutinit suli sunniuteqarnera malunnarpoq – taamaattorli 2018-imisut annertutiginngitsumik.

Aningaasartuutit siunertanut/aningaasaliissutit kontukkaarlugit eqqortumik inissitsiternissaat suli nalornissutigineqartarpoq.

Tassunga tunngasunik suliaqarsinnaasunik peqalerneq ilutigalugu Aningaasaqarnermut Allatseqarfik Sulisoqarnermut Immikkoortortaq suleqatigalugu ERP systemimik atuinissamut kontunullu pilersaarut nutaamut tunngasumik sukumiinerusumik ilinniartitsinermik aallartitsiniarpoq.

Aningaasaliissutit iluarsisat tunngavigalugit 2019-imut naatsorsuutini kisitsisit pingaarnertut ima ittut tulleriiaarneqarsinnaalerput:

Aningaasat mio. kr.-inngorlugit. (- = isertitat)	Naatsorsuutit	Aningaasaliissutit	Nikingassut
Akileraarutinit ataatsimoortumik tapiissutiniillu il.il. isertitat	-2.007	-2.021	14
Ingerlatsinermut aningaasartuutit aamma isertitat	1.713	1.659	54
Ataavartumik ingerlatsinerup inernera			
Sanaartornermut aningaasartuutit aamma isertitat	245	287	-42
Ukiumi angusat	-49	-75	26

Karsimiittuutigineqartussatut piumasagaat:

Kommunip aningaasaatai tigoriaannaat, naatsorsorneqarsimasut Namminersorlutik Oqartussat malittarisassaar naapertorlugit, ulloq 31. decembari 2019-imiit amerlassuseqarput 85 million koruunit.

Aningaasat tigoriaannaatigineqartut saniatigut kommune Grønlandsbanken A/S-imi aamma Bank Nordic A/S-imi 200 mio. koruunit nalinginik atoriaannaateqarpoq.

Taamaalilluni akiliutigeriaannagassatut aningaasat tigoriaannaat 285 mio. koruuninik annertussuseqarput.

Karsimiittuutigineqartussat 6 % kommunip ataatsimut ingerlatsineranut sanaartorneranullu aningaasartuutai 123,6 million koruuniupput. Kommuneqarfik Sermersuup taamaalilluni karsimiittuutigisassatut nammineq maleruagassiani 2019-ip naanerani malippai.

Taamaalillunilu Kommunit missingersuusiortarnerat, aningaasanik tigoriaannaateqarnerat, naatsorsuutaat, kukkunersuiisoqarnerallu pillugit nalunaarut malinneqarpoq. Tassani aalajangersarneqarpoq kommunit qaquguluunniit aningaasanik tigoriaannarnik peqassasut, akiligassanut ingerlaavartunut naammattunik.

Aaqqiissutissatut siunnersuut – suliatigut naliliineq

Naatsorsuutit imatut akuerineqartussaannngillat, naatsorsuutit Kommunalbestyrelsimut ingerlateqqinneqartussaammata kingornalu kukkunersuiisunut.

Kommunalbestyrelsip isummerfigissavai naatsorsuutitut oqaaseqaatit aammalu aalajangerlugu naatsorsuutini susassaqaarfiit ataasiakkaat eqqarsaatigalugit arlaannik malitseqartitsisoqassanersoq.

Aningaasatigut sulisoqarnikkullu naliliinerit

Ingerlatsinermut sanaartornermullu missingersuutit katillugit 2,065 mia. koruuniusuni naatsorsuutit katillugit 26 mio. koruuninik atuivallaarfivoq, procentinngorlugu 1,26 procentiulluni.

Inatsisitigut tunngavissaq allakkallu tunngaviusumik uppersaatitaliit

- Kommunit aqunneqarnerat pillugu Inatsisartut inatsisaat nr. 22, 17. november 2017-meersoq
- Kommunit Namminersorlutillu Oqartussat missingersuutaat naatsorsuutaallu pillugit Inatsisartut Inatsisaat nr. 26, 28. november 2016-meersoq

Ingerlariaqqinnissaq

Aningaasaqarnermut Inuussutissarsiornermullu Ataatsimiititami oqaluuserineqareernerata kingorna, naatsorsuutit kukkunersuiisunut ingerlateqqinneqarnissaat eqqarsaatigalugit, Kommunalbestyrelsimut ingerlateqqinneqassapput.

Naatsorsuutigineqarpoq naatsorsuutit kingusinnerpaamik juunip qiteqqunnerani naammassineqarsimassasut, tamatuma kingorna kukkunersuiisut nalunaarusiaat suliarineqassaaq pisariaqarpallu kukkunersuiinikkut iluarsiiisoqarluni.

Tamatuma kingorna naatsorsuutit, kukkunersuiisut uparuaataat ilanngullugit, Aningaasaqarnermut Inuussutissarsiornermullu Ataatsimiititamat inaarutaasumik akuersissutigineqarnissaannut

ingerlateqqinneqassapput, taamaalillutik Kommunalbestyrelsimit inaarutaasumik akuersissutigineqarnissaannut ingerlateqqinneqassallutik.

Aningaasaqarnermut immikkoortortaqarfimmit oqaaseqaatit:

Naatsorsuutit eqqortuusut Aningaasaqarnermut Allatseqarfimmit isigineqarput - taamaattumik innersuussutigineqarpoq naatsorsuutit Aningaasaqarnermut Inuussutissarsiornermullu Ataatsimiititamut saqqummiunneqassasut kukkunersiuisunullu nassiunneqarnissaat siunertaralugu Kommunalbestyrelsimut ingerlateqqinneqassallutik. Aningaasaqarnermut Allatseqarfimmit inassuteqaatigineqartut innersuussutigineqarput.

Innuttaasunik peqataatitsineq/attaveqaqatigiinneq

Soqanngilaq.

Ingerlatsivinnit allaniit oqaaseqaatigineqartut

Ingerlatsivinnit allanit oqaaseqaateqartitsisoqanngilaq.

Siusinnerusukkut aalajangerneq

Aningaasaqarnermut Inuussutissarsiornermullu Ataatsimiititasp aalajangernera ulloq 21.aprilip 2020-meersoq:

Inassuteqaat akuerineqarpoq

Ilanngussat:

1. 2019-imut ukiumoortumik naatsorsuutaagallartut.

2021-mut missingersuusiornissamut maleruagassat

Aalajangiiffigisassaq

J.nr.: 06.04.01

Suliffeqarfimmut Kiffartuussivik - Vicekommunaldirektøri Marie Fleischer / MAFL

Suliassamik eqikkaaneq

Kommunip Ingerlatsinermut Aningaasaqarnermullu Aqutsinermut Najooqutassiaa naapertorlugu, Aningaasaqarnermut Inuussutissarsiornermullu Ataatsimiititaq missingersuusiornissamut maleruagassanik saqqummiussiffigineqassaaq, ukiumi tulluuttumi missingersuutit suliarineranni aningaasaliissutigineqartussanik aalajangersaaffiusumik.

Missingersuutit 2021-mut suliarineqarnissaannut missingersuusiornissamut maleruagassaq matumuuna Aningaasaqarnermut Inuussutissarsiornermullu Ataatsimiititamut akuersissutigineqarnissaanut saqqummiunneqarpoq.

Missingersuusiornermut maleruagassat Covid 19-ip malitsigisai eqqarsaatigalugit kommunip aningaasaqarneranut naleqqussagaapput. Tamatuma 2021-mut missingersuut tamakkerlugu politikkikkut oqallisigineqarnissaa pingaarnersuiniissarluk kingunerivaa, kommunip aningaasaatai amerlavallaanngitsut pitsaanerpaamik atorineqarnissaasa qulakkeerneqarnissaa siunertaralugu.

Suliaq Aningaasaqarnermut Inuussutissarsiornermullu Ataatsimiititap 21. apriliip 2020-imi ataatsimiinnerani oqaluuserineqarpoq, Ataatsimiititalu inassuteqaat akuersissutigaa suliarlu Kommunalborgbestyrelsimut akuerisassanngorlugu ingerlateqqillugu.

Inassuteqaat

Aningaasaqarnermut Inuussutissarsiornermullu Ataatsimiititap Kommunalborgbestyrelsimut inassuteqaatigaa:

- 2021-mut missingersuutitut missingersuusiornermut maleruagassat akuerineqassasut, 2021-mut Kommunip missingersuutitut tunngavii ilanngullugit aamma ukiumi tulluuttumi missingersuutit imaalissasut:
 1. Aningaasaliissutit qaffasissusilerneqarnerat kontunut pilersaarummi nutaami aningaasaliissuteqartarnermi anguniagassatut qaffasissuseq 3-miippoq, ullorli 01.01.2018-imi atuutilersimasoq
 2. Akissarsiaqartitsinermi immikkut pituttorsimasoqassanngilaq
 3. Kommunimut akileraarutip procentia, ukiut siulii assigalugit, 26 %-iussasoq aalajangerneqarpoq
 4. Ukiumi missingersuusiortimmi ataatsimi sinneqartoortit
 5. Ukiumi missingersuusiortiusumi ukiumi naatsorsuusiortiusup naanerani aningaasat tigoriaannaat ilanngaattissat ilanngaatigereerlugit aamma ukiumi missingersuusiortiusumi sanaartornermut aningaasaliissutit inernerisa 6 %-iisa amerlaqatigissavaat
 6. Sanaartornermut ikinnerpaamik 250 mio. koruunit immikkoortinneqassasut - tassannga ilaatigut kommunip ingerlatseqatigiiffiinit sanaartukkanut aningaasartuutit akilerneqartassapput
 7. Ukiut missingersuusiortiusut siullianni sanaartornermut missingersuutit taamaallaat 90 procentii, ukiut missingersuusiortiusut aappaanni 80 procentii, ukiut

missingersuusiorfiusut pingajuanni 70 procentii taavalu ukiut missingersuusiorfiusut sisamaanni 60 procentii atorneqarsinnaassasut.

Suliassamik saqqummiussineq

Kommunip Ingerlatsinermut Aningaasaqarnermullu Aqutsinermut Najooqutassiaa naapertorlugu, Aningaasaqarnermut Inuussutissarsiornermullu Ataatsimiititaq missingersuusiornissamut maleruagassanik saqqummiussiffigineqassaaq, ukiumi tulluuttumi missingersuutit suliarineranni aningaasaliissutigineqartussanik aalajangersaaffiusumik.

Aningaasaqarnermut immikkoortoqarfiup missingersuusiornermut malittarisassanut 2021-mut missingiut suliarivaa, 2021-mi missingersuutiniq suliaqarnermut tunngaviusunik piffissamullu pilersaarumik imalik.

Aaqqiissutissatut siunnersuut – suliaticut naliliineq

Allaffeqarfiup sulianik naliliinera malillugu, 2021-mi, Covid 19-ip malitsigisaanik, aningaasaqarnikkut ingerlanerliortoqarnissaa naatsorsuutigineqassaaq. Taamaattumik 2021-mut missingersuutiniq naleqqussaasoqarnissaa anguniarneqarpoq. Tamatumani kommunip ukiuni tulluuttuni suliassaqaarfii pingaarutillit aningaasassaqaartinneqarnissaasa qulakkeerneqarnissaat anguniagaavoq.

Missingersuusiornissamut ajornartorsiutaasinnaasunik eqikkaaneq:

Ataatsimut isigalugu, Kommuneqarfik Sermersooq 2020-mi - annerusumillu 2021-mi - aningaasartuuteqarnerunissami, soorlu aamma isertitaqarniarneq pillugu, ajornartorsiuteqarnerussaa naatsorsuutigineqarpoq.

- Aningaasartuutitut tunngatillugu aningaasarliulernissap sunniutissai nuussinernut isertitanut aningaasartuutaanerungaatsiartuusussaallutillu inuiaqatigiinni ilungersunartorsiortunut suliniutitut tunngasuusussaapput.
- Isertitassaniit akileraartarnermit isertitassat, suliffissaaleqinerup kinguneranik, ikilisussaapput, peqatigitillugulu atuisut akiliutigisartagaat taamatulli ikilinissaat naatsorsuutigineqarpoq. Naalakkersuisut aamma nammineq aningaasartuutissanik, kommuninut tapiissutit aqutugalugit, ikilisaaniarnissaat naatsorsuutigineqassaaq, imaluunniit pisortat aningaasartuutitut nammineq akiligassatigit kommuninut aningaasartuutai amertunerulersillugit.
- Tassunga ilanngunneqassaaq, Covid 19-imut aningaasartuuteqarnerunerup kommunip aningaasaataanik tigoriaannarnik atuineruneranik, taamaalilluni kommunip aningaasatigit ingerlanerliornermik qaangiiniarnissaa ajornakusoornerulersillugu.

Taamaalilluni Kommuneqarfik Sermersooq aningaasaqarneq eqqarsaatigalugu inissisimanerlunnisaq, kommunip aningaasatigit ingerlanerliornermi iluaqutissaanik suliniuteqarfiusariaqassaaq.

Suliniutit kommunip ajornartorsiornermi naammassisinnasai:

Missingersuusiornermut malittarisassani missingersuusiornermi tunngaviit 7-it assersuusiarineqarput, ataatsimut kommunip pitsaasumik aningaasaqarneranut qulakkerinneqataasinnaasut. Taamatut iliornikkut aningaasarsiornermi ingerlanerliorneq aningaasaqarnikkut pisariaqartumik pissaqarluarnissaa kommunimit qulakkeerneqassaaq.

Aammattaaq missingersuusiortarneq pillugu malittarisassani missingersuusiortuarnissaaq qulakkeerniarlugu politikikkut piffissaliussaaq aalajangersagaavoq. Taamaattumik piffissami septembarimiit novembarimut missingersuutit peqqissaarullugit politikerinit suliarineqarsinnaaneri piffissalersorneqarput, allaffissornermilu sulisut maajimiit aggustimut piareersaatit suliarissallugit.

Aammattaaq missingersuusiortarneq pillugu malittarisassani politikerit minnerpaamik missingersuutit siullermeerneqarnissaat pilersaarutaavoq. Tamatuma nassataraa inatsisit maleruagassallu avataaniit suliaasut malitsigisaannik kommunip suliarisinnaasai kisiisa siullermeerinissamut teknikkikkut allaffissornikkut missingersuusiornermi ilaatinneqarmata.

Kommunalbestyrelsimi politikkikkut aalajangiussaasimasut kingunerisaannik suliassat politikikkut pingaarnersiugassanngortinneqarlutillu missingersuusiornermi aalajangiussassanngorteqqinneqassapput. Taamatut iliornikkut kommunip suliassai ataatsimoortillugit missingersuusiornermi politikkikkut oqallisigineqarlutillu pingaarnersiorneqarsinnaapput, aammalu tamaat isigalugu sulianik sulianillu ingerlasunik toqqaanissaq unitsitsinissarlu aningaasatigut pissaqarnissamut aqutissiuisoqassaaq.

Aningaasatigut sulisoqarnikkullu naliliinerit

2021-mut missingersuusiornermut atatillugu suliassat pingaarnertut kommunip nammineq sulisuinit suliarineqassapput.

Inatsisitigut tunngavissaq allakkallu tunngaviusumik uppersaasatitallit

- Kommunit aqunneqarnerat pillugu inatsit, § 5
- Kommunit siumoortumik missingersuusiortarnerat, akiliisinnaassuseqarnerat, naatsorsuutaat kiisalu karsi aningaasanillu aqutsinerat pillugu nalunaarutit
- Ingerlatsinermut Aningaasaqarnermillu Aqutsinermut Najoqqutassiaq

Ingerlariaqqinnissaq

Missingersuusiornissamut maleruagassat 2021-mut akuersissutigineqassappat, piffissaliunneqartoq naapertorlugu missingersuusiorneq ingerlanneqassaaq.

Taamaalilluni inaarutaasumik missingersuutit inaarneqassapput kommunalbestyrelsimilu 24. novembari 2020-mi akuersissutigineqarlutik, tamatuma kingorna kingusinnerpaamik 30. novembari 2020-mi tamanut saqqummiunneqassapput.

Aningaasaqarnermut immikkoortorta qarfiimmit oqaaseqaatit

Allanik oqaaseqaateqartoqanngilaq

Siusinnerusukkut aalajangerneq

Aningaasaqarnermut Inuussutissarsiornermullu Ataatsimiititap aalajangernera ulloq 21. aprilip 2020-meersoq:

Inassuteqaat akuerineqarpoq

Ilanngussat

1. 2021-mut missingersuusiornissamut maleruagassat

